


38
| 53~~57~~/2233



歐陽文忠公集卷第二

歐陽文忠公集二

古詩二十首

送楊闢秀才

哈佛大學哈佛燕京
圖書館珍藏印

木

吾竒曾生者始得之太學初謂獨軒然百鳥而一鷄
既又得揚生群獸出麟角乃知天下才所識慚未博
揚生初誰師仁義而禮樂天姿樸且茂美不待追琢
始來讀其文如渴飲醴一作醪既坐即之談稍稍吐
鋒鏑非唯富春秋固已厚天爵有司選群材繩墨困
量度胡爲謹毫分而使遺磊落至寶異常珍夜光驚
把握駭者弃諸塗竊拾充吾橐其於獲二生厥價玉

一鼓嗟吾雖得之氣獨何弱帝閣啓巖巖巖巖巖巖一作巖巖欲
獻前後却遽今扁下飄若吹霜籜世好競辛鹹古
味殊淡泊薄一作否泰理有時惟窮見其確

送孔生

一本生作監薄再遊河北

志士惜白日高車無停輪孔生東魯儒年少勇且仁
大軸獻理匏長裾弊街塵門無黃金聘家有白髮親
寒風八九月北渡大河津玉塞積精甲金戈耀秋雲
孔生力數斗其智兼千人短褐不自暖高談吐陽春
北州多賢侯待得一作士誰最勤一見贈雙璧再見延
上賓丈夫患不遇豈患長賤貧公集二

送慧勤歸餘杭

越俗僭宮室傾貲事雕牆佛屋尤其侈耽耽擬侯王
文彩瑩丹漆四壁金焜煌上懸百寶蓋宴坐以方牀
胡為弃不居棲身客京坊辛勤營一室有一作類鸞
巢梁南方精飲食菌一作筍鄙羔羊飯以玉粒粳調
之甘露漿一饌費千金百品羅成行晨興未飯僧日
吳不敢嘗乃茲隨北客枯粟充飢腸東南地秀絕山
水澄清鮮一作光餘杭幾萬家日夕焚清香煙霏四面
起雲霧雜芴芳豈如車馬塵鬢髮染成霜三者孰苦
樂于奚一作勤四方乃云慕仁義奔走不自遑始知

仁義力可以治膏盲有志誠可樂嘉一作及時宜自彊
人情重懷土飛鳥思故鄉夜枕聞北鴈歸心逐南檣
歸兮能來否送子以短章

讀張李二生文贈

一本作謝張李常寄

石先生先生石介也

先生二十年東魯能使魯人皆好學其間張續與李

常剖琢珉石

一作如剖象石

得天璞大圭雖不假雕

琢一作鑄

但未磨礪出圭角二生固是天下寶豈與先

生私褚橐先生示我何矜誇手携文編謂新作得之

數日未暇讀意欲百事先

一作前

屏却夜歸獨坐南窓

下寒燭青熒如熠燿病眸昏澁乍開緘燦若月一作日

星明錯落辭嚴意正質非俚且一作高古味雖淡醇不

薄千年佛老

一作若佛

賊中國禍福依憑群黨惡拔根掘

窟期必盡有勇無前力何犖乃知二子果可用非獨

詞

一作特言

堅由志確朝廷清明天子聖陽德彙進羣陰

剝大烹養賢有列

一作味別

鼎豈久師門共藜藿

一作先生有

魯魯皆一化苟用於朝其利博予

一作我

漸職諫未能薦

有酒且慰先生酌

絳守居園池

嘗聞紹述絳守居偶來覽登

一作登覽

周四隅異哉樊子

恠可吁心欲獨出無古初窮荒搜幽入有無

一作無有

語詰曲百盤紆孰云已出不剽襲句斷欲學盤庚書

一本有方言爾雅不訓詰 幾欲舌譯從象奇兩句 荒煙古木蔚遺墟我来嗟

祇一作得其餘栢槐端莊偉丈夫蒼顏鬱鬱老不枯

靚容新麗一何殊清池翠蓋擁紅蕖胡鬪虎搏豈足

道記錄細碎何區區處氏八卦畫河圖禹湯臯虢一作

陶暨唐虞豈不古奧萬世模嫉世姣巧一作習卑汗

以竒矯薄駭羣愚用此猶得追韓徒我思其人為躊

躇作詩聊譁為坐娛

晉祠一本作過并

古一作城南出十里間鳴渠夾路一作石何潺潺行

人望祠下馬謁退即祠下窺水源地靈草木得餘潤

鬱鬱古一作栢含蒼煙并兒自古事一作豪俠戰爭

五代幾百年天開地闢真主出猶須再駕方凱旋頑

民盡遷高壘削秋草自綠埋空垣一作自綠并人昔

遊晉水上清鏡照耀涵朱顏晉水今入并州裏稻花

漠漠澆平田廢興髣髴無舊一作老氣象寂寞餘山

川惟存祖宗聖功業干戈象舞被管絃我来覽登一作

覽為歎息暫照白髮臨清泉鳥啼人去廟門闔還有

山月來娟娟

登絳州富公嵩巫亭示同行者

羣峯擁軒檻竹樹陰漠漠公胡苦思山規構自心作
惟予一作亦愛山者初仕即京洛嵩峯三十六終日對
高閣陰晴無朝暮紫氣常浮泊雄然九州中氣象壓
寨廓亦嘗步其巔培塿視觀一作四岳其後竄荆蠻始
識峽山惡長江瀉天來巨石忽開拓始疑茫昧初渾
沌死鑿鑿神功夜催就萬仞成一作或一削尤奇十二
峯隱見入冥邈人蹤斷攀緣異物宜所託顧瞻但徘徊
想像逢綽約嵩山近可愛泉石吾已諾終期友幽
人白首老雲壑荆巫惜遐荒詭恠杳難邀至今清夜
思菟夢輒飛愕偶來玩茲亭塵眼刮昏膜况逢秋雨

霽濃翠新染濯峯端上明月且可留幽酌

水谷夜行寄子美聖俞一本題上有補成字

寒一作晨雞號荒林山壁月倒掛披衣起視夜攬轡念

行一作退邁我來夏云初素節今已屆高河瀉長空勢

落九州外微風動涼襟曉氣清餘睡一作清餘一作色緬懷京

師友文一作有酒邈一作邀高會其間蘇與梅二子可畏

愛篇章富縱橫聲價相磨一作摩蓋子美氣尤雄萬竅

號一作噫有時肆顛狂醉墨洒霧霈一作勢如千里馬

足一作已發不可殺盈前盡珠璣一一難東汰梅翁事

清切石齒漱寒瀨作詩三十年視我猶後一作無輩

文詞愈清新心意雖一作難老大譬如妖韶女老自有

餘態近詩尤古硬一作淡咀嚼苦難喂初如食橄欖真

味久愈在蘇豪以氣轢一作舉世徒盡一作驚駭梅窮

獨我知一作奇我古貨今難賣一作誰買二子雙鳳凰百

鳥之嘉瑞雲煙一翱翔羽翮一摧鍛安得相從遊終

日鳴噦噦問胡相一作問苦思之對酒把酒一作對把新蟹

病中代書奉寄聖俞二十五兄一本無奉及下四字

憶君去年來自越值我傳車催去闕是時新秋蟹正

肥恨不一醉與君別今年得疾一作別因病作一春不

飲氣彌劣飢腸未慣飽甘脆一作飽甘一作平肥一作生乍九蟲寸白

一作腹爭為孽一飽猶能致身患寵祿豈無神所罰

乃知賦予分有涯適分自然無天闕昔在洛陽年少

時春思每先花亂發萌芽不待楊柳動探春馬蹄常

踏雪到今年纔三十九怕見新花羞白髮顏侵塞下

風霜色病過鎮陽桃李月兵閑事簡居可樂心意自

衰非屑屑日長天暖惟欲睡一作眠睡美尤厭春鳩聒

北潭去城無百步淥水冰銷魚撥刺經時曾未著脚

到好景但聽遊人說官榮雖厚世味薄始信衣纓乃

羈紲故人有幾獨思君安得見君憂暫豁公厨酒美

遠莫致念君貫一作慣飲衣屢脫郭生書來猶未到想

飲衣屢脫郭生書來猶未到想

見新詩甚飢渴少年事事今已去惟有愛詩心未歇
君閑可能爲我作莫辭自書藤紙滑少低筆力容作
留我和無使難追韻高絕

鎮陽殘杏

一本有寄聖俞字

鎮陽二月春苦寒東風力弱冰雪頑北潭跬步病不

到

脚常山宮後池也勝游惟此

何暇騎馬尋郊原

鵬離一作立新

晴暖已

動砌下流水來潺潺

里以水在州西十五但

聞簷間鳥語變不覺桃杏開已闌人生一世浪自苦

盛衰桃杏開落間西亭昨日偶獨到

往一作

猶有一樹

當南軒殘芳爛漫看更好皓若春雪團枝繁無風已

恐自零落長條可愛不可攀猶堪携酒醉其下誰肯
伴我頽巾冠

班班林間鳩寄內

班班林間鳩穀穀命其匹迨天之未雨與汝勿相失

春原洗新霽綠葉暗朝日鳴聲相呼一作呼應蒼

如吹一作若律深棲柔桑暖下啄高田實人皆笑汝

拙無巢以家室易安由寡求吾羨拙之佚吾雖有室

家出處曾不一一本有豈如鳴鳩樂荆蠻昔竄逐奔

走若鞭扶山川瘴霧深江海波濤颶跬步子所同淪

弃甘共沒投身去人眼已廢誰復嫉山花與野草我

醉子鳴瑟但知貧賤安不覺歲月忽還朝今幾年官
祿露兒姪身榮責愈重器小憂常溢今年來鎮陽留
滯見春物北潭新漲綠魚鳥相聳取魚乙切我意
不在春所憂空自咄一官誠易了報國何時畢高堂
母老矣衰髮不滿櫛昨日寄書言新陽發舊疾藥食
一作子雖勤豈若我在滕又云子亦病蓬首不加髻
書來本慰我使我煩憂鬱思家春夢亂妄意占凶吉
却思夷陵囚其樂何可述前年辭諫署朝議不容乞
孤忠一許國家事豈復一作卹橫身當衆怒見者旁
可慄近日讀除書朝廷更輔弼君恩優大臣進退禮

有秩小人妄希旨論議爭操筆又聞說朋黨次第排
甲乙而我豈敢逃不若先自劾上賴天子聖必未一作
沫加斧鑕一身但得貶羣口息啾唧公朝賢彥衆避
路一作本當揣質苟能因謫去引分思藏密還爾禽鳥
性樊籠免驚怵子意其謂何吾謀今已必一本有誠
便可齊升子能一作甘藜藿我易解簪紱嵩峯三十
六蒼翠爭聳出安得携子去耕桑老蓬華

暮春有感

幽憂無以銷春日靜愈長薰風入花骨花枝午低昂
往來採花蜂清蜜未滿房春事已爛漫落英漸飄揚

蝶蝶無所為飛飛助其忙啼鳥亦屢變新音巧調篁
遊絲最無事百尺拖晴光天工施造化萬物感春陽
我獨不知春久病卧空堂時節去莫挽浩歌自成傷

洛陽牡丹圖

洛陽地脉花最宜牡丹尤為天下奇我昔所記數十
種於今十年半忘之開圖若見故人面其間數種昔
未窺客言一作近歲花特異往往變出呈新枝洛人
驚誇立名字買種不復論家貲比新較舊難一作優
劣爭先擅價各一時當時絕品可數者魏紅窈窕姚
黃妃壽安細葉開尚少一作朱砂玉版人猶一作未知

傳聞千葉昔未有只從左紫名初馳四十年間花百
變最後最好潛溪緋今花雖新我未識未信與舊誰
妍媸一作當時一作所見已云絕豈有更好妍一作此可疑
古稱天下無正色但恐世好隨時移紅鶴翎豈不
羨斂色如避新來姬何況遠說蘇與賀有類異世誇
媿施造化無情宜一槩偏此著意何其私又疑人心
愈巧偽天一作欲闕巧窮精微不然元化朴散久豈
特近歲尤澆漓爭新一作關麗若不已更後百載知
何為但應新花日愈好惟有我老年年衰

鎮陽讀書

春深夜苦短燈冷焰不長塵蠹文字細病眸澁無光
坐久百骸倦中遭群慮戕尋前顧後失得一念一作
十忘乃知學在少老大不可彊廢書誰與語歎息自
悲傷因憶石夫子徂徠有茅堂前年來京師講學居
上庠青衫綴朝士面有一作辨數畝桑不耐群兒嗤束
書歸故鄉却尋茅堂在高卧泰山傍聖經日陳前弟
子羅兩廂大論叱佛老高聲一作誦虞唐賓朋足棗
栗兒女飽糟糠雖云待官闕便欲解朝裳有似蠶一作
繭縮身思自藏嗟我一何愚貪得不自量平生事筆
硯自可娛文章開口攬時事論議爭煌煌退之嘗有

云名聲暫羶香誤蒙天子知侍從列班行官榮日已
寵事業闇不彰器小以一作任大躋顛理之常聖君
雖不誅在汝一作豈自違不能雖欲止一作若失
其方却欲尋舊學舊學已榛荒有類邯鄲步兩失皆
茫茫便欲乞身去君恩厚須償又欲求一州俸錢買
歸裝譬如歸巢鳥將棲必徊翔自覺誠未晚收愚老
縑紉

留題鎮陽潭園

官雖鎮陽居身是鎮陽客北園潭上花安問誰所植
春風無先後爛漫爭紅白一花聊一醉盡醉猶須百

而我病不飲對花空歎息朝來不能歸暮看不忍摘
謂言花縱落滿地猶可席不來纔幾時人事已非昔
芳枝結青杏翠葉新奕奕落絮風卷盡春歸不留迹
空餘綠潭水尚帶餘春色疑一作思春竟何之意謂追
可得東西遶潭行蜂鳥已寂寂惘然無所依歸駕不
停輒寓典誠可樂留情豈非惑至今清夜夢猶遶北
潭北

讀一本有蟠桃詩寄子美

韓孟於文詞兩雄力相當一本有偶以惟自歲篇章
綴談笑雷電擊幽荒衆鳥誰一作敢和鳴鳳呼其皇

孟窮苦纍纍韓富浩穰穰窮者啄其精富者爛文章
發生一為宮擊斂一為商二律雖不同合奏乃鏘鏘
天之產竒恠希世不可常寂寥二百年至寶埋無光
郊死不為島聖俞發其藏患世愈不一作孤吟夜彌一作
清霜霜寒入毛骨清響哀一作愈長至山禾難熟
終歲苦飢腸我不能飽之更欲不自量引吭和其音
力盡猶勉彊一本有嗟我於韓使足未及其端誠知
非所敵但欲繼前芳近者蟠桃詩有傳來北方發我
哀病思藹如得春陽忻然便欲和洗硯坐中堂墨筆
不能下恍恍恍一作恍若有止老雞觜瓜硬未易犯其場

不戰先

一作

自知雖奔

然一作

未甘降更

便一作

欲呼子

美子美隔濤江其人雖憔悴其志獨軒昂一作昂氣力

誠當對勝敗可交相安得二子接揮鋒兩交銜我亦

願助勇鼓旗謀其旁快哉天下樂一酌宜百觴乖離

難會合此志何由償

初伏日招王幾道小飲

北園數畝官墻下嗟我官居如傳舍滹沱北渡馬踏

一作

冰西山病歸花已謝落英不見空繞樹細草初

長猶可藉空園一鎖不復窺不覺芳蹊繁早夏隔墻

時時聞好鳥如得嘉一作佳客聽清話今朝試去繞園

尋綠李橫枝礙行馬蒲萄憶見初引蔓翠葉陰

一作成

陰還滿架紅榴一作榴花最晚子已繁猶有殘花葳葉罅

一本有雖無桃李競繁華人生有酒復何求官事無

了須偷暇古云伏日當早歸况今著令許休假能來

解帶相就飲為子掃月開風榭

白髮喪女師作

一本無下四字

吾年未四十三斷哭子腸一割痛莫忍屢痛誰能當

割腸痛連心心碎骨亦傷出我心骨肉灑為清淚行

淚多血已竭毛膚冷無光自然鬚與鬢一作鬢未老

先蒼蒼

永陽大雪

清流關前一尺雪鳥飛不渡人行絕冰連一作谿谷

麋鹿死風勁野田桑柘折江淮卑濕殊北地歲不苦

寒常疫癘老農自言身七十曾見此雪纔三四新陽

漸動愛日輝微和習習東風吹一尺雪幾尺泥泥深

麥苗春始肥老農爾豈知帝力聽我歌此豐年詩

送章生東歸

窮山

一作廬

荒僻人罕顧子以一身千里來問子之勤

何所欲自慚報子無瓊瑰非徒多難學久廢世事漸

懶由心衰吳興先生富道德侁侁弟子皆賢材鄉閭

禮讓已成俗餘風漸被來江淮子年方少力可勉往
與夫子為顏回

居士集卷第二

熙寧五年秋七月男發等編定

紹熙二年三月郡人孫謙益校正

送楊闢秀才詩如渴飲醴酪諸本同惟衢本作潼
酪朝佐按列子乳潼有餘謝承後漢書乳為生潼
潼乳汁也音種訛而為潼史記匈奴傳潼酪之美
今正之

送慧勤歸餘杭詩笛筍鄙羔羊衢本建本吉本作
笛從竹吉州羅寺丞家京師舊本蜀本作笛從竹
朝佐按笛籥美竹也菌蕈也呂氏春秋越駱之菌
注竹筍也本亦從甘今兩存之

送慧勤未飯一作歸兮

絳守居園池駭羣

晉祠窺一作豪俠孤壘

登嵩巫亭朝暮石本作綽約京本作

水谷夜行轢一作

病中寄聖俞冰消一作

班班林間鳩官祿一作

鎮陽讀書官榮一作躋顛一作

讀蟠桃詩子美有二字寥一作

初伏小飲殘花一作

永陽大雪鳥飛一作

此卷班班林間鳩寄內云次第推甲乙廣韻第字

注云次第說文云本作弟韋束之次第也今為兄弟字又漢複姓玉篇亦謂第字今為第幾明非古也然則古惟用弟字未嘗加竹史傳皆然故公集凡言次弟兄弟之類並用弟字近世既分而為二印本從之今難盡正書此以示後人

月十集卷第三

歐陽文忠公集三

古詩三十一首

啼鳥

窮山候至陽氣生百物如與時節爭官居荒涼草樹

密撩亂紅

紅一作殷

紫開繁英花深葉暗耀朝日日

一作

暖衆鳥皆嚶鳴鳥言我豈解爾意綿蠻但愛聲可

聽南窓睡多春正美百古未曉催天明黃鸝顏色已

可愛舌端啞吃如嬌嬰竹林靜啼

一作盡

青竹笋深處

不見惟聞聲陂田遶郭白水滿戴勝穀穀催春耕誰謂鳴鳩拙無用雄雌各自知陰晴雨聲蕭蕭泥滑滑

草深苔綠無人行獨有花上提葫蘆勸我沽酒花前
傾其餘百種各嘲啗異鄉殊俗難知名我遭讒口身
落此每聞巧舌宜可憎春到山城苦寂寞把盞常恨
無娉婷花開鳥語輒自醉醉與花鳥爲交友一作朋花
能嫣然顧我笑鳥勸我飲非無情身閑酒美惜光景
惟恐鳥散花飄零可笑靈均楚澤畔離騷憔悴愁獨
醒

遊瑯琊山

南山一尺雪雪盡山蒼然澗谷深自暖梅花應已繁
使君馱騎從車馬留山前行歌招野叟共步青林間

長松得高蔭盤石堪醉眠止樂聽山鳥携琴寫幽泉
愛之欲忘返但苦世俗牽歸時始覺遠明月高峰巔

讀徂徠集

徂徠魯東山石子居山阿魯人之所瞻子與山嵒嵒
今子其死矣東山後誰過精魄已埋沒文章豈能磨
壽命雖不長所得固已多舊藁偶自錄滄溟之一蠹
其餘誰付與散失存幾何存之警後世古鑑照妖魔
子生誠多難憂患靡不罹音羅宦學三十年六經老研
摩問胡所專心仁義立與軻揚雄韓愈氏此外豈知
他尤勇攻佛老奮筆如揮戈不量敵衆寡膽大身么

麼往年遭母喪泣血走岷峨垢面跣雙足鋤犁事田
坡至今鄉里化孝悌勤蠶禾昨者來太學青衫踏朝
靴陳詩頌聖德厥聲續猗那羔鴈聘黃晞晞驚走鄰
家施為可恠駭世俗安委蛇謗口由此起中之若飛
梭上賴天子聖不挂網者羅憶在太學年大雪如翻
波生伎日盈門飢坐列鴈鷺絃誦聒鄰里唐虞賡詠
歌常續最高第騫游各名科豈止學者師謂宜國之
皤天壽反仁鄙誰尸此偏頗不知詼詼者又忍加詆
訶聖賢要久遠毀譽暫誼譁生為舉世疾死也一作者
古人嗟作詩遺魯社祠子以為歌

大熱二首

四時成萬物寒暑迭鈞陶壯陽當用事大夏蒸炎歊
造化本無情怨咨徒爾勞身微天地闊四顧無由逃
九門閭闔開萬仞崑崙高積雪寒凜凜清風吹寥寥
嗟我雖欲往而身無羽毛
陽暉爍四野萬里織雲收羲和困路遠正午當空留
枝條不動影草木皆含愁深林虎不嘯卧喘如吳牛
蜩蟬一何微嗟爾徒啾啾

幽谷泉

踏石弄泉流尋源入幽谷泉傍野人家四面深篁竹

合圖文卷三
三
漑稻滿春疇鳴渠遶茅屋生長飲泉甘蔭泉栽美木
潺湲無春冬日夜響山曲自言今白首未慣逢朱轂
顧我應可恠每來聽不足

百一作子坑賽龍

嗟龍之智誰可拘出入變化何須臾壇平樹古潭水
黑沉沉影響疑有無四山雲霧忽晝合瞥起直上擎
空虛龜魚帶去半空落雷輻電走先後驅傾崖倒澗
聊一戲頃刻萬物皆涵濡青天却掃萬里靜但見綠
野如雲敷明朝老農拜潭側鼓聲坎坎鳴山隅野巫
醉飽廟門闔狼籍烏鳥爭殘餘

憎蚊

擾擾萬類殊可憎非一族毒哉蚊之微豈足汗簡牘

乾坤量廣大善惡皆含育荒茫一作荒三五前民物交

相黷禹鼎象神姦蛟龍遠潛伏周公驅猛獸人始居

川陸爾來千百年天地得清肅大患已去除細微遺

不錄蠅蚩蚤虱蟻蜂蝎蚊蛇蝮惟爾於其間有形纔

一粟雖微無柰衆惟小難防毒嘗聞高郵間猛虎死

凌辱哀哉露筋女萬古讎不復水鄉自宜爾可恠窮

邊俗晨殮下帷幃盛暑泥駒犢我來守窮山地氣尤

卑溽官閑懶所便惟睡宜偏足難堪爾類多枕席馱

緣撲燻簷一作苦煙埃燎壁疲照燭荒城繁草樹旱
 氣飛炎燭羲和驅日車當午不轉轂清風得夕涼如
 赦脫囚桔掃庭露青天坐月蔭嘉木汝寧無他時一作
 日忍此見一作此迫促翱翔伺昏黑稍稍出壁屋真空
 來若翳聚隙多可掬叢身疑陷圍聒耳如遭哭猛攘
 欲張拳暗中甚一作疑一作飛鏃手足不自救其能營背腹
 盤飡勞扇拂立寐僵僮僕端然窮百計還坐竊雙目
 於吾固不較在爾誠為酷誰能推物理無乃乘人欲
 騶虞鳳皇麟千載不一矚思之不可見惡者無由逐

重讀祖徠集

我欲哭石子夜開徂徠編開編未及讀涕泗已漣漣
 勉盡三四章收淚輒忻懽切切一作昭昭一作昭昭善惡戒丁
 寧仁義言如聞子談論疑子立我前乃知長在世誰
 謂已一作子一作沉泉昔也人事乖相從常苦艱今而每思
 子開卷子一作在顏我欲貴子文刻以金玉聯金可爍而
 銷玉可碎非堅不若書一作傳一作以紙六經皆紙傳但當
 書百本一作傳一作十一作百一作以為千或落於四夷或藏在
 於一作深山待彼謗焰一作豔一作熄放此光芒懸人生一世
 中長短無百年無窮在其後萬世在其先得長多幾
 何得短未足憐惟彼不可朽名聲文行然讒誣不須

辨亦止百年間百年後來者憎愛不相緣公議然後
出自然見媼妍孔孟困一生毀逐遭百端後世苟不
公至今無聖賢所以忠義士恃此死死一作輕不難當
子病方革謗辭正騰喧衆人皆欲殺聖主獨保全已
埋猶不信僅免斲其棺此事古未有每思輒長嘆我
欲犯衆怒爲子記此寃下紓冥冥忿仰叫昭昭天書
於蒼翠石立彼崔嵬巔詢求子世家恨子兒女頑經
歲不見報有辭未能銓一作忽開子遺文使我心已
寃子道自能久吾言豈須鑄

汝癭答仲儀 一作答王素汝癭

君嗟汝癭多誰謂汝土惡汝癭雖云苦汝民居自樂
鄉間同飲食男女相媒妁習俗不爲嫌譏嘲豈知作
汝山西南險平地猶磽确一作确一作確一作確汝樹生擁
一作腫根株浸溪壑山川固已然風氣宜其濁接境
化襄鄧餘風被伊雒思子昔曾遊所見可驚愕喔喔
聞語笑纍纍滿城郭偃婦懸甕盎嬌嬰包如殼無由
辨肩頸有類龜縮殼噫人稟最靈反不如鳧鶴駢枝
雖形累小小固一作故可略癰瘍暫膏聚決潰終當涸
贅疣附支體幸或不爲虐未若此巍然所生非所託
咄嗟繫性命鉞石難砭破一作削農皇古神聖爲世名

百藥豈不有方書頑然莫銷爍一作温湯汝靈泉亦

不能前淪君官雖謫居政可瘳一作民瘼奈何不哀

憐而反恣訶一作謔文辭騁新工醜恠極名貌汝士

雖多竒汝女少纖弱翻思太守宴誰與唱清角乖離

南北殊魂夢山陂邈握手未知期寄詩一作書聊一喙

滄浪亭一本上云寄題子美

子美寄我滄浪吟邀我共作賦一作滄浪篇滄浪有景

不可到使我東望心悠然荒灣野水氣象古高林翠

阜相回環新篁抽笋添夏影一作老枿亂發爭春妍

水禽閑暇事高格山鳥日夕相啾喧不知此地幾興

廢仰視喬木皆蒼煙堪嗟人迹到不遠雖有來路曾

無緣窮竒極恠誰似子搜索幽隱探神仙初尋一逕

入蒙密豁目異境無窮邊風高月白最宜夜一片瑩

淨鋪瓊田清光不辨水與月但見空碧涵漪漣一作蘇

錢又疑此境一作天乞與壯士憔悴天應憐鷓夷古

亦有獨徃江湖波濤渺翻天崎嶇世路欲脫去反以

身試蛟龍淵豈如一作扁舟任飄元紅渠淥浪搖醉

眠丈夫身在豈長弃新詩美酒一作詩聊窮年雖然

不許俗客到莫惜佳句人間傳

寶劍

寶劍匣中藏暗室夜常一作明欲知天將兩錚爾劍有
聲神龍本一物氣類感則鳴常恐躍匣去有時暫開
鎬疑止當煌煌七星文照耀三尺冰此劍在人間百
妖夜收形姦兇與佞媚膽破骨亦驚試以向星月飛
先射攬槍藏之武庫中可息天下兵柰何狂胡兒尚
敢邀金繒

秋晚凝翠亭探韻作

黃葉落一作落空城青山遶官解風雲淒已高歲月
驚何邁陂田寒未收野水淺生派晴林紫榴坼霜日

紅粲曬蕭疎喜竹勁寂寞傷蘭敗叢菊如有情幽芳
慰孤介嘉客日可携寒醅羨新醅音饋登臨無獸類冰
雪行即屆

菱溪大一本無石

新霜夜落秋水淺有石露出寒溪垠苔昏土蝕禽鳥
啄出沒溪水秋復春溪邊老翁生長見疑我來視何
殷勤愛之遠徙向幽谷曳以三犢載兩輪行穿城中
罷市看但驚可恠誰復珍荒煙野草埋沒久洗以石
竇清冷泉朱欄綠竹相掩映選邀一作致佳處當南軒
南軒旁列千萬峯曾未有此奇嶙峋乃知異物世所

少萬金爭買傳幾人山河百戰變陵谷何為落彼荒
溪濱山經地誌不可究遂令異說爭紛紜皆云女媧
初鍛鍊融結一氣凝精純仰視蒼蒼補其缺染此紺
碧瑩且溫或疑古者燧人氏鑛以出火為炮燔苟非
神聖親手迹不爾孔竅一作誰雕刻又云漢使把漢
節西北萬里窮崑崙行經于閬得寶玉流入中國隨
河源沙磨水激自穿穴所以鑄鑿無瑕痕嗟予有口
莫能辨歎息但以兩手捫盧仝韓愈不在世彈壓百
恠無雄文爭竒鬪異各取勝遂至荒誕無根原天高
地厚靡不有一作醜好萬狀奚足論惟當掃雪席其

今日與嘉客陳清罇

送姜秀才遊蘇州

憶從太學諸生列我尚弱齡君秀發同時並薦幾存
亡一夢十年如倏忽壯心君未減青春多難我今先
白髮山花撩亂鳥綿蠻更盡一罇明日別

送孫秀才

高門煌煌燦如赭勢利聲名爭借假一作嗚我子獨

不顧之訪我千山一羸馬明珠渡水覆舟失贈我璣

貝猶滿把見生携文數十篇遲遲顧我不欲去問我無

窮慚報寔時之所弃子獨嚮無乃與世異取捨

新霜二首

天雲慘慘秋陰薄，
卧聽北風鳴屋角。
平明驚鳥四散飛，
一夜新霜群木落。
南山鬱鬱舊可愛，
千仞巉巖如刻削。
林枯山瘦失顏色，
我意豈能無寂寞。
衰顏得酒猶彊發，
可醉豈須嫌酒濁。
泉傍菊花芳爛漫，
短日寒輝相照灼。
無情木石尚須老，
有酒人生何不樂。
荒城草樹多陰暗，
日夕霜雲意濃淡。
長溪漸落見洲渚，
野潦初清一作晴。
收斂一作澹，
蘭枯蕙死誰復弔。
殘菊籬根爭豔豔，
青松守節見臨危。
正色凜凜不可犯，
芭蕉菱荷不足數。
狼藉徒能污池檻，
時行收斂歲時窮。

雪嚴凝從此漸，
咿咿兒女感時節。
愛惜朱顏屢窺鑑，
惟有壯士獨悲歌。
拂拭塵埃磨古劍。

豐樂亭小飲

造化無情不擇物，
春色亦到深山中。
山桃溪杏少意思，
誰一作有自趣時節。
開春風看花遊女，
不知醜古粧。
野態爭花紅，
人生行樂在一作當。
勉彊有酒莫負璫，
疏鍾主人忽笑花。
與女嗟爾自是花前翁。

四月九日幽谷見緋桃盛開

經年種花滿幽谷，
花開不暇把一卮。
一作枝人生此事尚難必，
况欲功名書鼎彝。
深紅淺紫看雖好，
美一作顏

色不柰東風吹緋桃一樹獨後發意若待我留芳菲
清香嫩蘂含不吐日日恠我来何遲無情草木不解
語向我有意偏依依羣芳落盡始爛漫榮枯不與衆
豔隨念花意厚何以報唯有醉倒花東西盛開比落
猶數日清一作芳罇尚可三四携

秋懷二首寄聖俞

一本擬孟郊體秋懷

孤管叫秋月清砧韻霜風天涯遠夢歸一作歸驚斷
山千重群物動已息百憂感後中日月失雙流四時
環無窮隆陰夷老物摧折壯士骨壯士亦何為素絲

悲青銅

羣木落空原南山高龍從巉巖想詩老瘦骨寒愈聳
詩老類秋蟲吟秋聲百種披霜一作芳撥孤英泣古弔
荒冢琅玕叩金石清響聽生悚何由幸見之使我滌
煩冗飛鳥下東南音書無日捧

希真堂東

一本無東字

手種菊花十月始開

當春種花唯恐遲我獨種菊君勿謂春枝滿園爛張
錦風雨須臾落顛倒看多易歇情不專鬪紫誇紅隨
俗好豁然高秋天地肅百萬一作萬物衰零誰暇弔君看
金蘂正芬敷曉日浮霜相照耀一本有後時寧與作
笑雨煌煌正色秀可餐藹藹清香寒愈峭高人避喧

守幽獨淑女靜一作容修窈窕方當搖落看轉
佳慰我寂寥何以報時携一罇相就飲如得貧交論
久要我從多難壯心衰迹與世人殊靜躁種花勿作
不種兒女花老大安能逐年少

拒霜花

芳菲能幾時顏色如自愛鮮鮮弄霜曉裊裊含風態
蕙蘭殞秋香桃李媚嬌一作春醉時節雖不同盛衰終
一致莫笑黃菊花籬根守憔悴

懷嵩樓晚飲示徐無黨無逸

一本作奉和徐
生見示懷嵩樓

晚飲一本
無見示字

滁山不通車滁水不載舟舟車路所窮嗟誰肯來遊
念非吾在此二子來何求不見忽三年見之忘百憂
問其別後學初若蘭緒抽縱橫漸組織文章爛然浮
引伸無窮極卒斂以軻丘少進日如此老退誠可羞
弊邑亦何有青山遠城樓泠泠谷中泉吐溜彼彼一作
山幽石醜駭溪恠天奇瞰龍湫子初如可樂久乃歎
以俟云此譬圖畫暫着已宜收荒涼林一作草樹間暮
館城南陬破屋仰見星窓風冷如鏤歸心中夜起輾
轉卧不周我為辨酒肴羅列蛤與蚌酒酣微探之仰
笑不領頭曰予非此儂又不負譴尤自非世不容安

事此爲囚幸以主人故崎嶇幾摧軸一來勤已多而
況欲久留我語頓遭屈顏慚汗交流川塗冰已壯霰
一作霜雪行將稠羨子兄弟秀雙鴻翔高秋噉噉飛且
鳴歲暮憶南州飲子今日歡重我明日愁來貶辱已
厚贈言媿非酬

瑯琊山六題

一本作瑯琊山中六題

歸雲洞

洞門常自一作起煙霞洞穴傍穿透谿谷朝看石上
片雲陰夜半山前春雨足

瑯琊谿

空山雪消谿水漲遊客渡谿橫古槎不知谿源來遠
近但見流出山中花

石屏路

石屏自倚浮雲外石路久無人跡行我來携酒醉其
下卧看千峯秋月明

班春亭

信馬尋春踏雪泥醉中山水弄清輝野僧不用相迎
送乘輿閑來興盡歸

庶子泉

庶子遺蹤留此地寒崑徙倚弄飛泉古人不見心可

見一片清光長皎然

惠覺方丈

青松行盡到山一作松門亂峯深處開方丈已能宴坐

老山中何用聲名傳海上

居士集卷第三

熙寧五年秋七月男發等編定

紹熙二年三月郡人孫謙益校正

汝癭詩平地猶确确營衢本作确犖吉本作确犖建
本作确犖蜀本羅氏本作确犖朝佐按字書确通
作境确通作塉犖磬确犖不平也犖駁牛也犖石
相扣聲确犖犖确犖犖犖字各不同今後蜀本羅氏
本作确犖而以諸本注其下 語笑一作笑語

啼鳥花開一作問

讀祖徠集唐虞賡詠歌一作歌反仁一作及仁

幽谷泉日夜石本作夜

憎蚊出壁屋一作去

汝癭有類一作似

滄浪亭到不遠作到去紅渠一作

寶劍照曜作曜

菱溪大石初鍛一作歎息一作

送孫秀才爭借假一作與世時一作

新霜風鳴吹一作歲將歲一作

幽谷見緋桃人生此事尚難必一作尚如一作

秋懷吟秋鳴秋一作琅玕琅一作下東南作下南州作州

懷嵩樓晚飲日如此作日且欲久留作久之南州作州

居士集卷第四 歐陽文忠公集四

古詩二十四首

贈無為軍李道士二首名景仙

無為道士三尺琴中有萬古無窮音音如石上瀉流水瀉之不竭由源深彈雖在指聲在意聽不以耳而以心心意既得形骸忘不覺天地白日愁雲陰

李師琴紋形一作如卧蛇一彈使我三咨嗟五音商羽

主肅殺颯颯坐上風吹沙忽然黃鍾回暖律當冬草

木皆萌牙郡齋日午公事退荒涼樹石相交加李師

一彈鳳凰聲空山百鳥停嘔啞我怪李師年七十面

目明秀光如霞問胡以然一作試問胡然笑語我慎
勿辛苦求丹砂惟當養其根自然燁其華上二本無又
云理身如理琴正聲不可干以邪我聽其言未云足
野鶴何事還思家抱琴揖我出門去獵獵歸袖風中
斜

拜赦一作

拜赦一作古州南山火明烈烈州人共喧喧兩非扶
白髮丁寧天語深曠蕩皇恩闊乃知天地施幽遠無
間別欣欣草木意喜氣消殘雪

彈琴效賈島體

古人不可見古人琴可彈彈為一作古曲聲如與一作

聞古人言琴聲雖可聽琴意誰能論橫琴置牀頭當

午曝背眠夢見一丈夫巖巖古衣冠登牀取之坐一作

我調作南風絃一奏風雨一作來再鼓變雲烟鳥獸

盡嚶鳴草木亦滋蕃乃知太古時未遠可追還方彼

夢中樂心知口難一作傳既覺失其人起坐涕洟瀾

酬學詩僧惟晤

詩三百五篇作者非一人羈臣與弃一作妾桑濮乃

淫奔其言苟一作可取疵雜不全純子雖一作為佛

徒未易廢其言其言在合理但懼學不臻子佛一作

與吾儒異轍難同輪一作子何獨吾慕自忘夷其身

苟能知所歸固有路自新誘進或可至拒之誠不仁

維詩於文章太山一浮塵又如古衣裳組織一作爛

成文拾其裁剪餘未識衮服尊嗟子學雖一作勞徒

自苦骸筋一作涉江津遠勤勤袖卷軸一歲二及門惟一作

何求一言榮歸以耀一作輝其倫與夫榮其膚不若啓

一作豈其源韓子亦嘗謂收斂加以一作冠巾

別後奉寄聖俞二十五兄一本俞兼酬進道堂夜

長河秋雨多夜插寒潮一作湖入歲暮孤舟遲客心飛

鳥急君老忘卑窮文字或綴緝余生苦難阨一作世

險蹈已習離合二十年乖睽多聚集常時飲酒別今

別輒飲泣君曰吾老矣不覺兩袖濕我年雖少君白

髮已揖揖即入憶初京北門送我馬暫立自茲遭檻

穽一落誰引汲顛危偶脫死藏竄甘自繫一作但令

身尚在果得手重執聞來喜迎前貌改驚乍揖別離

纔幾時舊學廢石十殘章一作編與斷藁草草各收拾

空窻一作堂語青燈夜雨聽霏霏一作滅明朝解舟南歸

翼縱莫戢還期明月飲幸此中秋及酒酣弄篇章四

坐困供給歡言正喧譁別意忽於邑日暮北亭上濁

醪聊一作共挹輕歸作一作撓動翩翩晚水明熠熠行心

貪前去雖迫訣語出猶澁歸來錄君詩卷軸多臧臧

誰一作云已老矣意氣何業爰惜哉方壯時千里足

常帶知之莫予深力不足呼吸歎吁偶成篇聊用綴

君什

紫石屏歌

屏歌寄蘇子美

月從海底來行上天東南正當天中時下照千丈潭

潭心無風月不動倒影射入紫石巖月光水潔石瑩

淨一作微一作感此陰魄來中潛自從月入此石中天有兩

曜分為三清光萬古不磨滅天地至寶難藏緘天公

呼雷公夜持巨斧墮巖墮此一片落千仞皎然寒

鏡在玉匳蠓慕白兔走天上空留桂影猶杉杉一作

景山得之一作州一作號一作惜不得贈我意與比一作千金兼自

云每到月滿時石在暗室光出簷大哉天地間萬怪

難悉談嗟予不度量每事思窮探欲將兩耳目所及

而與造化爭毫纖煌煌三辰行日月尤尊嚴若令下

與物為比去聲擾擾萬類將誰瞻不然此石竟何物有

口欲說嗟如鉗吾奇一作蘇子曾羅列萬象中包含

不惟曾寬膽亦大屢出言語驚愚凡自吾得此石未

見蘇子心懷慚不經老匠先指決有手誰敢施鑄鏡

呼工畫石持寄似一作此幸子留意其無謙

聚星堂前紫薇花

亭亭紫薇花向我如有意高煙晚溟濛清露晨點綴
豈無陽春月所得時節異靜女不爭寵幽姿如自喜
音將期誰顧眄獨伴我憔悴而我不彊飲繁英行亦
墜相看兩寂寞孤詠聊自慰

獲麟贈姚闢先輩

世已無孔子獲麟意誰知我嘗為之說聞者未免非
而子獨曰然有如填應麓惟麟不為瑞其意乃可推
春秋二百年文辭一作約義甚夷一從聖人沒學者自

為師崢嶸眾家說平地生嶮巖相公益迂怪各闖出

新竒爾來千餘歲一作千載餘舉世不知迷焯哉聖

人經照耀萬世疑自從蒙眾說日月遭蔽虧常患無

氣力掃除浮雲披還其自然光萬物皆見之子昔已

好古此經手常持超然出眾見不為俗牽卑近又脫

賦一作賤格飛黃擺銜羈聖門開大道夷路肆騰嬉便

可勦眾說旁通異一作端塞多歧正途趨常一作簡易慎勿

事嶮崎著述須待老積勤宜少時苟思垂後世大禹

尚胼胝顧我今老矣兩瞳一作作眼蝕昏矇大書難久

視心在力已衰因思少自弃今縱悔可追戒我以勉

子臨文但吁嘻

喜雨

大雨雖霽霈隔輒分晴陰小雨散浸淫為潤廣且深
浸淫苟不止利澤何窮已無言雨大小一作言雨小
雨農尤喜宿麥已登實新禾未抽秧穗作及時一日
雨終歲飽豐穰夜響流霖霖晨暉霽蒼涼川原淨如
洗草木自生光童稚喜瓜芋耕夫望陂塘誰云田家
苦此樂殊未央

飛蓋橋翫月

一本題上有一月十四夜

天形積輕清水德本虛靜雲收風波止始見天水性

澄光與粹容上下相涵映乃於其兩間皎皎掛寒鏡
餘暉所照耀萬物皆鮮瑩矧夫人之靈豈不醒視聽
而我於此時倚一作然發孤詠紛昏忻洗滌俯仰恣
涵泳一本無人心曠而閑月色高愈一作迴惟恐清
夜闌時時瞻斗柄

竹間亭

啾啾竹間鳥日夕相嚶鳴悠悠水中魚出入藻與萍
水竹魚鳥家伊誰作斯亭翁來無車馬非與彈弋并
潛者入深淵飛者散縱橫奈何翁屢來浪使飛走驚
忘爾榮與利脫爾冠與纓還來尋魚鳥傍此水竹行

鳥語弄蒼翠魚遊翫清澄而翁乃何為獨醉還自醒
三者各自適要歸亦同情翁乎知此樂無歇日來登

答呂公著見贈

一本作奉答通判太博為予不飲見贈之作

晉人歌蟋蟀孔子錄於詩因知聖賢心豈不惜良時
行樂不及早朱顏忽焉衰馳光如騷裹一去不可追
今也不彊飲後雖悔奚為三年謫永陽陷窅不知危
種樹滿幽谷疏泉瀉清池新陽染山木撩亂發枯枝
無人歌青春自醜白玉卮今者荷寬宥一作乞得
州從爾宜西湖舊已聞既見又過之菡萏間紅綠鴛
鴦浮渺瀰四時花與竹罇俎一作酒動可隨况與賢者

同薰然襲

律一作

蘭芝醪醑寒且醪清唱婉而遲

一作

四坐各已醉臨觴獨何疑昔人逢麴車流涎尚垂頤

况此盃中趣久得樂無涯多憂衰病早心在良可噫

一作

譬若卧櫪馬聞鞞

一作

尚鳴悲春膏已動脉一作

忽已

百卉漸歲蕤丹砂得新方舊疾庶可治尚可執

鞭弭周旋以忘疲

送滎陽魏主簿

廣作送魏廣本

卓犖東一作魏都子姓名聞十年窮冬雪塞空千里至

我門子足未及闕我衣驚倒顛僕童一作童僕相視疑察

吏或不然俛首鵠鶴啄進趨鳧鴈聯青衫靴兩一作靴

脚言色倩情一作以温於公門豈少乃獨得公權受知
固不易知士誠尤難我思屈童吏欲辯難以言觴豆
及嘉節高堂列羣賢文章看落筆論議馳後先破石
出至寶決高瀉長川光暉相磨晦浩渺肆波瀾寮吏
媿我歎僕童童一作僕恪生顏我顧寮吏嘻士豈以此觀
此聊為戲耳以驚僕童童一作僕昏士欲見其守視其居
賤貧欲知其所趨試以義利干我始識其面已窺其
肺肝禮有來必往木瓜報琅玕十年思見之一日捨
我還何用慰離居贈子以短篇

青松贈林子

國華一本校作
贈林國華

青松生而直繩墨易為功一作良玉有天質少加一作
假磨與礪子誠懷美材一作君實但未遭良工養育
既堅好英華充厥中於誰以成之孟韓荀暨雄

人日聚星堂燕集探韻得豐字

汗池以其下衆流之所鍾尺水無長瀾蛟龍豈其容
顧予誠鄙薄羣俊枉高蹤得一不為少雖多肯辭豐
譬如登圓壇羅列璧與琮又若饗釣天左右間笙鏞
文章爛照耀應和相撞春而予處其間眩晃不知從
退之亦嘗云青蒿倚長松新陽發羣枯生意漸丰茸
暮雪浩皓一作皓方積醪醅寒更濃毋言輕此樂此樂難

屢逢

橄欖

五行居四時維火盛南訛炎焦陵木氣橄欖得之多
酸苦不相入初爭义方和霜苞入中州萬里來江波
幸登君子席得與衆果羅中州衆果佳珠圓玉光瑳
媿茲微陋質以遠不見訶錫飴兒女甜遺味久別那
良藥不甘口厥功見沉痾忠言初馱之事至悔若何
世已無採詩詩成爲君哦

鸚鵡螺

大哉滄海何茫茫天地百寶皆中藏牙鬚一作鬚甲角

爭光鏗腥風怪雨灑幽荒珊瑚玲瓏巧綴裝珠宮貝

闕爛煌煌泥居殼屋細莫詳紅螺行沙夜生光一作珠

宮貝闕爛煌煌泥居殼室細莫詳珊瑚玲瓏負材自

累遭剗腸匹夫懷璧古所傷濃沙剝蝕隱文章注一本

人謂沙出本草磨以玉粉緣一作金黃清罇旨酒列華

堂隴鳥回頭思故鄉美人清歌蛾眉揚一酌凜冽回

一作春陽物雖微遠用則彰一螺千金價誰量豈若

泥下追含漿

食糟民

田家種糯官釀酒權利秋毫升與斗酒沽得錢糟弃

物一作不棄天屋經年堆欲朽酒醅澆澆如沸湯東風來
吹酒瓮香纍纍罌與瓶惟恐不得嘗官沽味醲村酒
薄日飲官酒誠可樂不見田中種糯人釜無糜粥度
冬春還來就官買糴食官吏散糴以為德嗟彼官吏
者其職稱長民衣食不蠶耕所學義與仁仁當養人
義適一作識宜言可聞達力可施上不能寬國之利下
不能飽爾一作民之飢我飲酒爾食糴爾雖不我責我
責何由逃

送焦千之秀才

焦生獨立士勢利不可恐誰言一身窮自待九鼎重

有能揭之行可謂仁者勇呂侯一作倅相家子德義勝
華寵焦生得其隨道合若膠鞞始生及吾門徐子喜
驚踊曰此難致寶一失何由踵自吾得二生一作子粲
粲獲雙珙奈何奪其一使我意紛葩吾嘗愛生材抽
擢方鬱翁一作音委勇反猶須老霜雪然後見森聳况從
主人賢高行可傾竦讀書趨簡要害說去雜冗新文
時我寄庶可蠲煩壅

伏日贈徐焦二生

一本作徐焦二生西一作余以病不能往因以

徐生純明白玉璞焦子皎潔寒泉冰清光瑩爾互輝

贈之

映當暑自可消炎蒸平湖綠波漲渺渺高榭一作古
木陰層層嗟哉我豈不樂此心雖欲往身未能俸優
食飽力不用官閑日永一作樂睡莫興不思高飛慕鴻
鵠反此愁卧償蚊蠅三年永陽子所見山林自放樂
可勝清泉白石對斟酌巖花野鳥一作草為交朋崎嶇
礪谷窮上下追逐猿狖爭超騰一作陸酒美賓佳足自
負飲酣氣橫猶驕矜奈何乖離纒幾日蒼顏非舊白
髮增彊歡徒勞歌且舞勉飲寧及合與升行措眼眵
一作曉旋看物坐見樓閣先愁登頭輕目明脚力健美
子志氣將飄凌只今心意已如此終竟事業知一作將

何稱少壯及時宜努力老大無堪還可惜

寄生槐

一本題上
有答
張推官
庭繪

檜惟凌雲材槐實凡木賤奈何柔脆質累此孤高幹
龍鱗老蒼蒼鼠耳光粲粲因緣初莫原感吒徒自歎
偷生由附託得勢爭葱蒨方其榮盛時曾莫見真贗
欲知窮悴節宜試以霜霰萌牙起微蘖辨別乖先見
剪除初非難長養遂成患雖然根性殊常恐枝葉亂
惟應植者深幸不習而變含容固有害勦絕須明斷
惟當審斤斧去惡無傷善

韓公

一本公
州閣古堂

兵閑四十年士不識金革水旱數千里民流誰壅
公初來視之嘻此乃予責將法多益辦萬千由十百
整齊一作容談笑間進退有寸尺曰此易為耳在吾繩
與墨天成而地出古所重民食貯儲非一朝人命在
旦夕惟茲將奈何敢不竭吾力木牛尚可運玉鑿一作
磬猶走糴因難乃見材不止將有得公言初未信終
歲考成績驕愷識恩威謳吟起羸瘠貌貅著行伍倉
廩飽堆積文章娛閑暇一作散弄傳記尋一作觀往昔英
英文與武粲粲圖四壁酒令列諸將談鋒摧辯客周
旋顧視間是不為無益循吏一州守將軍萬夫敵於

公豈止然事業本夔稷富壽及黎庶威名懾夷狄當
歸廟堂上有位久一作况虛席大匠不揮斧衆工隨指
畫從容任羣材文武各以職

永州萬石亭

寄知永州王顧一本上
有寄題注云柳子厚亭

天於生子厚稟予獨艱哉超凌驟拔擢過盛輒傷摧
苦其危慮一作厲心常使鳴聲哀投以空曠地縱橫放
天才山窮與水險下上極沿洄故其於文章出語多
崔嵬人迹所罕到遺蹤久荒頽王君好奇士後二百
年來翦薙發幽薈搜尋得瓊瑰感物不自貴因人乃
為材惟知古可慕豈免今所咤我亦竒子厚開編每

徘徊作詩示同好為我銘山隈

居士集卷第四

熙寧五年秋七月男發

紹熙二年三月郡人孫益校正

答呂公著見贈百卉漸萎蕤按字書萎於危切草
 木枯兒既云春膏已動脉豈有萎枯之理當作歲
 蕤歲蕤草木華垂兒選詩文物共歲蕤東都賦望
 翠華之歲蕤今改作歲

贈李道士

石本作贈宗教李尊師名景仙

牙

石本作茅

惟本

石本但當

燁

石本

聯作

別後寄聖俞夜挿

一作

君老去

一作

難阮

一作

檻穿

一作

尚在

一作

紫石屏歌在玉匳

一作

獲麟難久視難一作雖吁嘻吁一作噫

飛蓋橋翫月風波浪浪一作

答呂公著晉人晉一作昔

送魏主簿我歎歎一作我

人日聚星堂燕集探韻得豐字豐一作松

閱古堂周旋推一作衣

萬石亭於文章於一作為

居士集卷第五

歐陽文忠公集五

古詩二十八首

荅原父一作劉廷壽

炎歊鬱然蒸午景熾方燄子來清風興蕭蕭吹几簟

又如沃瓊漿遠飲不知厭嗟予學苦晚白首困鈇槩

危疑奚一作何所質孔孟久已寔羣儒室自私惟子通

且贍幸時丐羸餘屢得飽飢歉嚴嚴一作落落春秋經大

法誰敢規一本有譬猶三才失綱紀一作綱五

代極昏墊盜竊恣胙一作發篋英雄爭奮劔興亡兩倉

卒事迹多遺欠一作纒能紀成敗豈暇誅姦僭聞見

患孤寡

一作

是非誰證驗嘗欣同好惡遂乞指瑕玷

反蒙華衮袞如譽嫫母豔救非當在早已暴一作惡何

由歛苟能哀癘痼其可惜針砭風船或許邀湖綠方

豔豔

蟲鳴

葉落秋水冷衆鳥聲已停陰氣入墻壁百蟲皆夜鳴

蟲鳴催歲寒唧唧機杼聲時節忽已換壯心空自驚

平明起照鏡但畏白髮生

奉答子華學士

一作答

安撫江南見寄之作

一本無下四字

百姓病已久一言難遽陳良醫將治之必究病所因

天下久無事人情貴因循優游以為高

一作

寬縱以

為仁今日廢其小皆謂不足論明日壞其大又云力

艱振旁窺各陰拱當職自逡巡歲月浸隳頽紀綱遂

紛紜坦坦萬里疆蚩蚩九州民昔而安且富今也迫

以貧疾小不加理浸淫將徧身湯劑乃常藥未能去

深根鍼艾有奇功暫痛勿吟呻痛定支體胖乃知鍼

艾神猛寬相濟理古語六經存蠹弊革僥倖濫官絕

貪昏牧羊而去狼奉為不仁人俊又沉下位惡去善

乃伸賢愚各得職不治未之聞此說乃其要易知行

每艱遲疑與果決利害反掌間捨此欲有爲吾知力
徒煩家至與戶到飽飢而衣寒三王所不能豈特今

所一作獨

今爲

難我昔忝諫列日常趨紫宸聖君堯舜心

閔閔極憂勤子華當來時玉音耳嘗親上副明主意

下寬斯人屯江南彼一方巨細到可詢論一作諭以上

恩德當冬反陽春吾言乃其槩豈非一作止一方云

送張洞推官赴永興經略司

一本云送張洞推官掌機宜

自古天下事及時難必成爲謀於未然聰者或莫聽
患至而後圖智者有不能未遠前日悔可爲來者銘
熙熙彼西人老死織與耕狂羝一作一朝叛烽火四

面驚用兵五六年首惡竟逃刑仰賴天子聖軋坤量
包并苗頑不率德舜羽舞于庭謂此雖異類有生亦
含情藩籬被觸突譬若豨與羶馴擾以芻豢可呼隨
指令稱藩効臣職冠帶復人形四海得休息瘡痍肉
新生敢問前孰失恃安而弛兵酒肴爲善將循默乃
名卿慮患謂生事高談笑難行一方兵遽起愚智共
營營上煩天子仁盱食憂吾氓謀議及臺阜幽棲訪
巖窟小利不足爲涓流助滄溟大功難速就倉卒始
改更徒自益紛擾何由集功名乃知深遠畫施設在
安平今也實其時鑑前豈非明嚴嚴經略府罇俎集

豪英千營飽而嬉萬馬牧在坳相公黃閣老與國為
長城張子美而秀文章博群經從軍古云樂知已士
所榮感激報恩義當來請長纓

寄聖俞

俞一作因馬察院至云見聖俞於城東轉書長韻奉寄

凌晨有客至自西為問詩老來何稽京師車馬曜朝
日何用擾擾隨輪蹄面顏憔悴暗塵土文字光彩垂
虹霓空腸時如秋蚓叫苦調或作寒蟬嘶語言雖巧
身事拙捷徑耻蹈行非迷我今俸祿飽餘賸念子朝
夕勤鹽齏舟行每欲載米送汴水六月乾無泥乃知
此事尚難必何況仕路如天冊一作梯朝廷樂善得賢

衆臺閣俊彥聯簪犀朝陽鳴鳳為時出一枝豈惜容
其棲古來磊落材與知窮達有命理莫齊悠悠百年
一瞬息俯仰天地身醯雞其間得失何足校況與鳧
鷺爭稗穉憶在洛陽年各一作各少對花把酒傾玻璃
二十年間幾人在在者憂患多乖睽我今三載病不
飲眼眊不辨駟與驪壯心銷盡憶閑處生計易足纔
蔬畦優游琴酒逐漁釣上下林壑相攀躋及身彊一作
壯健始為樂莫待衰病須扶攜行當買田清潁上與
子相伴把鋤犁

有馬示徐無黨

吾有千里馬毛骨何蕭森疾馳如奔風白日無留陰
徐驅當大道步驟中五音馬雖有四足遲速在吾心
六轡應吾手調和如瑟琴東西與南北高下山與林
惟意所欲適九州可周尋至哉人與馬兩樂不相侵
伯樂識其外徒知價千金王良得其性此術固已深
良馬須善馭吾言可為箴

天辰

天形如車輪晝夜常不息三辰隨出沒曾不差分刻
一本有其行一何勤北辰居其所帝座嚴尊極衆星
乾健貴於勿兩句拱而環大小一作大有職不動以臨之任德不任力

天辰主下土萬物由生殖一動與一靜同功而異域
惟王知法此所以治萬國

再和聖俞見答

兩畿相望東與西書來三日猶為稽短篇投子譬瓦
礫敢辱報之金裏蹄文章至寶被埋沒氣象往往干
雲霓飛黃伯樂不世一作出四顧驥首空長嘶嗟哉
我豈敢一作能知子論詩一作經賴子初指迷子言古淡
有真味大美豈須調以糞憐我區區欲彊學跛鼈曾
不離汙泥問子初何得臻此豈能直到無階梯如其
所得自勤若何憚入海求靈犀周旋二紀陪唱和九

翼每竝鸞皇棲有時爭勝不量力何異弱魯攻彊齊
念子京師若憔悴經年陋巷聽朝音潮一作晨雞兒啼妻
噤一作喜一作午未飯得米寧擇糝與糝石上紫豪一作毫一作家
故有剡藤瑩滑如玻璃追惟平昔念少壯零落生死
嗟分睽一揮累紙恣奔放駿一作若駕駱仍駮一作腹
雖枵虛氣豪橫猶勝諂笑病夏畦名聲不朽豈易得
仕宦得路終當躋年來無物不可愛花發有酒誰同
攜問我居留亦何事方春若早憂民犁

感春雜言

一本題下有和呂公著

鳩鳴兮屋上雀噪兮簷間百鳥感春陽有如動機關

雄雌相呼和日夕聒聒不得閑砌下兩株樹枯條有
誰攀春風一夜來花葉何班班乃知天巧奪人力能
使枯木生紅顏奈何人為萬物靈不及草木與飛翾
自從春來何所覺但恠睡美不覺白日高南山行逢
百花不著眼豈念四氣如回環却思年少憶一作前
事雖有駟駿難追還奈何來日尚可樂曾不勉彊相
牽拔淥酒如春波黃金為誰慳人生一世中一步作
笑百險艱俟河之清不可得聊自歌此譏愚頑

廬山高贈同年劉中允歸南康

廬山高哉幾千仞兮根盤幾百里巖然屹立乎長江

長江西來走其下是為揚瀾左里一作方洪濤巨浪
日夕相舂撞雲消風止水鏡淨泊舟登岸而遠望方
上摩青蒼一作雲霄以掩靄下壓后土之鳩尾試往造乎
其間方攀緣石磴窺空徑千巖萬壑響松檜懸崖巨
石飛流淙水聲聒聒亂人耳六月飛雪灑石缸仙翁
釋子亦往往而逢方吾嘗惡其學幻而言唯但見丹
霞翠壁遠近映樓閣晨鍾暮鼓杳靄羅幡幢幽花野
草不知其名方風吹露濕香澗谷時有白鶴飛來雙
幽尋遠去不可極便欲絕世遺紛疔羨君買田築室
老其下插秧盈疇方釀酒盈缸欲令浮嵐暖翠千萬

狀坐卧常對乎軒窓君懷磊砢有至寶世俗不辨珉
與江策名為吏二十載青衫白首困一邦寵榮聲利
不可以苟屈方自非青雲白石有深趣其氣兀碑何
由降丈夫壯節似君少嗟我欲說安得巨筆如長杠

送徐生

一作徐之瀛池

河南地望雄西京相公好賢天下稱吹噓死灰生氣
談談笑暖律回嚴凝曾陪樽俎被鶴盼羅列臺閣皆
名卿一作徐生南國後來秀得官古縣依嶺陵脚靴
手板實卑賤賢雋未可吏事繩携文百篇赴知已西
望未到氣已增我昔初官便伊洛當時意氣尤驕矜

主人樂士喜文學幕府最盛多交朋園林相映花百
 種都邑四顧山千層朝行綠槐聽流水夜飲翠幙張
 紅燈爾來飄流二十載鬢髮蕭索垂霜冰同時竝遊
 在者幾舊事欲說無人應一作文章無用等畫虎名
 譽過耳如飛蠅榮華萬事不入眼憂患百慮來填膺
 羨子年少一作正得路有如扶桑初日昇名高場屋
 已得雋世有龍門今復登出門相送親與友何異籬
 鷄瞻雲鵬嗟吾筆硯久已格感激短章一作因子興

葛氏鼎歌一本有

大河昔決東南流蕭條東郡今遺湫我從故老問其

由云古五鼎藏高丘地靈川秀草木稠鬱鬱佳氣蒸
 常浮惟物伏見數有周祕藏竒恠神所搜天昏地慘
 鬼哭幽至寶欲出風雲愁蕩搖山川失維隙九龍大
 戰驅蛟虬剗然岸裂轟雲馬滑人夜驚鳥嘲啁婦走
 抱兒扶白頭蒼生仰叫黃屋憂聚徒百萬如蚍蜉千
 金一掃隨浮漚天旋海沸動九州此鼎始出人間留
 滑人得之不敢收竒模古質非今侔器大難削識者
 不以示世俗遭擲歛明堂會朝饗諸侯饗官百品供
 玉羞調以五味烹全牛時有用捨吾無求二子學
 雕琳球見之始驚中歎愀披荒蕪古爭窮菟苦語難

出聲呶嘍馬圖出河龜一作負疇自古恠說何悠悠
嗟吾老矣不能休勉彊作詩慙効尤

太白戲聖俞一作集効讀體李白

開元無事一作太平二十年五兵不用太白閑太白之精
下人間李白高歌蜀道難蜀道之難難於上青天李
白落筆生雲煙千竒萬險不可攀却視蜀道猶平川
宮娃扶來白已醉醉裏詩成醒不記忽然一作來興
登名山龍咆虎嘯松風寒山頭婆娑弄明月九域塵
土一作塵世悲人寰吹笙飲酒紫陽家紫陽真人駕雲
車空山流水空流花飄然已去凌青霞一作甚下看區

區郊與鳥螢飛露濕吟秋草

邊戶

家世為邊戶年年常備胡兒僮習鞍馬婦女能彎弧
胡塵朝夕起虜騎蔑如無邂逅輒相射殺傷兩常俱
自從澶州盟南北結歡娛雖云免戰鬪兩地供賦租
將吏戒生事廟堂為遠圖身居界河上不敢界河漁

梅聖俞寄銀杏一作和聖俞銀杏見寄代書之什

鵝毛贈千里所重以其人鴨脚雖百箇得之誠可珍
問予得之誰詩老遠且貧霜野摘林實京師寄時新
封包雖甚微採掇皆躬親物賤以人貴人賢棄而淪

開緘重嗟惜詩以報慙懃

與子華原父小飲坐中寄同州江十學士休復

歲晚忽不樂相過偶乘閑百年纔幾時一笑得亦艱
有酒醉嘉客無錢買嬌鬟問予官何為侍從聯朝班
朝廷多賢材何用蒯與管白髮垂兩鬢黃金覆九環
奈何章綬榮飾此木石頑於國略無補有慙常在顏
幸蒙二三友相與文字間江子獨捨我一作高鴻去
難攀秋風動沙苑郡閣當南山吟詠日多暇詔條寬
可頒寒雲雪一作暮紛糅幽鳥春絲蠻勝事日向好思

君何時還

述懷

歲律忽其周陰風慘遼復孤懷念時節朽質驚衰病
憶始來京師街槐綠方映清霜一以零衆木少堅勁
物理固如此人生寧久盛當時不樹立後世猶譏評
顧我實孤生飢寒談孔孟壯年猶勇爲刺口論時政
中間蒙選擢官實居諫諍豈知身愈危惟恐職不稱
十年困風波九死出檻穽再生君父恩知報犬馬性
歸來見親識握手相弔慶丹心皎雖存白髮生一作
已迸慙無羽毛彩來與鸞皇竝鍛翮追羣翔孤唳驚

衆聽嚴嚴玉堂署清禁肅而靜職業愧論思文章慙
誥命厚顏難久居歸計無荒逕偷閑就朋友笑語雜
嘲詠歡情雖索寞得酒猶豪橫羣居固可樂寵祿尤
難幸何日早收身江湖一漁艇

和劉原父澄心紙

澄一作奉賦

君不見曼卿子美真奇才久已零落埋黃埃子美生
窮死愈貴殘章斷藁如瓊瑰曼卿醉題紅粉壁壁粉
已剝昏煙煤河傾崑崙勢曲折雪壓太華高崔嵬自
從二子相繼沒山川氣象皆低摧君家雖有澄心紙
有敢下筆知誰哉宣州詩翁餓一作欲死黃鵠折翼

鳴聲哀有時得飽好言語似聽高唱傾金壘二子雖
死此翁在老手尚能工翦裁奈何不寄反示我如棄
正論求俳詼嗟我今衰不復昔空能把卷闔且開百
年干戈流戰血一國歌舞今荒臺當時百物盡精好
徃徃遺弃淪蒿萊君從何處得此紙純堅瑩膩卷百
枚官曹職事喜一作樂一作閑暇臺閣唱和相追陪文章自
古世不乏間出安知無後來

熙寧七年秋七月男發等編定

紹熙二年三月郡人孫謙益校正

答原父蕭蕭一作蕭蕭嘗欣一作欣

答子華濫官一作庸下寬一作哀

寄聖俞俸祿一作祿

送徐生幕府一作下

葛氏鼎轟雲鷲一作雷

太白戲聖俞龍咆一作咆九域一作擾擾空山一作山中

看一作石

澄心紙空能一作徒能

居士集卷第六

歐陽文忠公集六

古詩二十五首

奉使契丹道中答劉原父桑乾河見寄之作

憶昨初受命同下紫宸朝問君當何之笑指北斗杓

共念到幾時春風約回鑣所持既異事前後忽相遼

歲月坐易一作若失山川行知遙回頭三千里雙闕在

紫霄我老倦鞍馬安能事吟嘲君才綽有餘新句益

一作亦飄飄前日逢呂郭解鞍憇山霄僮僕相問喜馬

鳴亦蕭蕭出君桑乾詩寄我慰寂寥又喜前見君相

期駐征輶雖知不久留一笑樂亦聊歸路踐冰雪還

家脫狐貂君行我即至春酒待相邀

書素屏

我行三千里何物與我親念此尺素屏曾不離我身
曠野多黃沙當午白日昏風力若牛弩飛砂還射人
暮投山椒館休此車馬勤開屏置牀頭輾轉夜向晨
卧聽穹廬外北風驅雪雲勿愁明日雪且擁狐貂温
君命固有嚴羈旅誠苦辛但苟一夕安其餘非所云

馬齧雪

馬飢齧雪渴飲一作行踏冰北風卷地來一作寒崢嶸馬悲
躑躅人不行日暮塗遠千山橫我謂行人止歎聲馬

當勉力無悲鳴白溝南望如掌平十里五里長一作長亭

與短亭臘雪銷盡春風輕火燒原頭青草生遠客還

家紅袖迎樂哉人馬歸有程男兒雖有四方志無事

何須一作勤遠征

風吹沙一本題上

北風吹沙千里黃馬行确犂悲摧穢當一作冬萬物

慘顏無一作色冰雪射日生一作爭光芒一年百日風塵

道安得朱顏長美好攬鞍鞭一作起馬行勿遲酒熟

花開二月時

重贈劉原父

一作憶昨

憶昨君當使北時我往別君飲君家愛君小鬟初買
得如手未觸新開花醉中上馬不知夜但見九陌燈
火人誼譁歸來不記與君別酒醒起坐空咨嗟自言
我亦隨往矣行即逢君何恨邪豈知前後不相及歲
日一作月忽忽行無涯古北嶺口踏新雪馬孟山西看
落霞風雲一作暮慘失道路礧谷夜靜聞麀麀行迷
方嚮但看日度盡山險方逾一作沙客心漸遠誠易
感見君雖晚喜莫加我後君歸祇一作十日君先躍
馬未足誇新年花發見田鴈歸路柳暗藏嬌鴉而今
一作春物已爛漫念昔草木冰未芽人生每苦勞事

役老去尚能憐物華從今有暇即相過安得載酒長
盈車

贈沈遵一作贈沈博

一本序云予昔於滁州作醉翁亭於琅琊山有
一刻石往往傳人問太常博士沈遵好竒之士
也聞而往遊焉愛其山水歸而以琴寫之冬予
翁吟一調惜不以傳其人者五六矣去年冬予
奉使契丹沈君會予恩冀之問夜闌酒半出琴
而作之予既嘉君之好尚又愛其琴聲乃作歌
以贈

羣動夜息浮雲陰沈夫子彈醉翁吟以我名
我初聞之喜且驚宮聲三疊何泠泠酒行暫止四坐
傾一本有為君屏百慮有如風輕日煖好鳥語夜靜

山響春泉鳴坐思千巖萬壑醉眠處寫君三尺膝上
 橫沈夫子恨君不為醉翁客不見翁醉一作山間亭
 翁歡不待絲與竹把酒終日聽泉聲有時醉倒枕谿
 石青山白雲為枕屏花間百鳥喚不覺日落山風吹
 自醒一本有沈夫子君過滁陽今幾時滁人皆喜醉翁醉至今人人能道之長記山間逢太守監舉
 歸酌六句插花我時四十猶彊力自號醉翁聊戲客爾來
 憂患十年間一本客字下作爾來纔十年遇鬢髮未
 老嗟先白滁人思我雖未忘見我今應不能識沈夫
 子愛君一罇復一琴萬事不可干其心自非曾是醉
 翁客莫向俗耳求知音一本未兩句作高懷所得貴自適俗耳何用求知音可笑

人生不飲酒惟知白首戀黃金

答聖俞一本題下有高車見過

人皆喜詩翁有酒誰肯一醉之嗟我獨無酒數往從
一作翁何所為翁居南方我北走世路離合安可期
 汴渠千艘日上下來及水門猶未知五年不見勞夢
 寐三日始往何其遲城東賺河有名字萬家弃水為
 汙池人居其上苟賢者我視此水猶漣漪入門下馬
 解衣帶共坐習習清風吹溼薪熒熒薄茗四顧壁
 立空無遺萬錢方丈飽則止一瓢飲水樂可一作涯
 况出新詩數十首珠璣大小光陸離他人欲一不可

有得一作君家筐篋滿莫持才大一作名高乃富貴豈
比金紫包愚癡貴賤同為一丘土聖賢獨一作長如星
日垂道德內樂不假物猶一作須朋友并良時蟬聲
漸已變秋意得酒安問醇與醕玉堂官閑無事業親
舊幸可從其私與翁老矣會有幾當弃百事勤追隨

感興五首

齋於醕
泉宮作醕

奉祠嚴祕館攝事罄精誠歲晏悲木落天寒聞鶴鳴
念昔丘壑趣豈知朝市情弱齒嬰仕宦壯節慕功名
多病慙厚祿早衰歎餘生未知犬馬報安得遂歸耕
懷祿不知慙人雖不吾責貧交重意氣握手猶感激

煌煌罽間金兩鬢颯已白有生天地間壽考非金石
古人報一飯君子不苟得憂來自悲歌涕淚下沾臆
清夜雖云長白日亦易晚循環百刻中勢若九走坂
盈虧自相補得失何足算餐霞可延年飲酒誠自損
未知辛苦長孰若適意短二者一何偷百年皆不免
顏回不著述後世存愈遠聖賢非虛名惟善為可勉
仕宦希寸祿庶無飢寒迫讀書事一作文章本以代
耕織學成頗自喜祿厚愈多責挾山以超海事有非
其力君子貴量能無輕食人食
唧唧復唧唧夜歎曉未息蟲聲急愈尖病耳聞若刺

壯士易為老良時難再得日月相隨東天行自西北
三者不相謀萬古無窮極安知人間世歲月忽已易

吳學士石屏歌

一作和張生鷓
樹屏一無和字

晨光入林衆鳥驚
腦膊羣飛鴉亂鳴
穿林四散投空去
黃口巢中飢待哺
雌者下啄雄高盤
雄雌相呼飛復還
空林無人鳥聲樂
古木參天枝屈蟠
下有恠石橫樹
其一作間煙埋草沒
苔蘚斑借問此景誰圖寫
乃是吳家石屏者
號工刻山取山骨
朝鑿暮斲非一日
萬象皆從石中出
吾嗟人愚不見天地造化
一作造物之初難乃云萬物生自然
豈知鑄鑿刻畫醜與妍
千狀

萬態不可彈神愁鬼泣晝

一作

夜不得閑不然安得

巧工妙手憊精竭思不可到若無若有縹緲生雲煙

鬼神功成天地惜歲在號山深處石惟人有心無不

獲

一作乃知人
為天地賊

天地雖神

一作公

歲不得又疑鬼神

好勝憎吾儕欲極奇恠窮吾才乃

一作

傳張生自西

來吳家學士見且吟醉點紫毫淋墨煤君才自與鬼神
鬪嗟我老矣安能陪

初食車螯

一本題上
云京師

累累盤中蛤來自海之涯坐客初未識食之先歎嗟
五代昔乖隔九州如剖瓜東南限淮海邈不通夷華

於一作于時北州人飲食陋莫加雞豚為異味貴賤無
等差自從聖人出天下為一家南產錯交廣西珍富
邛巴水載每連軸陸輸動盈車谿潛細毛髮海恠雄
鬚牙豈惟貴公侯閭巷飽魚鰕此蛤今始至其來何
晚邪螯蛾聞二名車螯一名車蛾又見南人誇璀璨殼如玉
斑斕點生花含漿不肯吐得火遽已呀共食惟恐後
爭先屢成譁但喜美無厭豈思來甚遐多慙海上翁
辛苦斲泥沙

送裴如晦之吳江

一本無下三字注
云席上分得已字

雞鳴車馬馳夜半聲未已皇皇走聲利與日爭寸晷

而我獨何為閑宴奉君子京師十二門四友來萬里
顧吾坐中人暫聚浮雲爾念子一扁舟片帆如鳥起
文章富千箱吏祿求斗米白玉有時沽青衫豈須耻
人生足憂患合散乃常理惟應當歡時飲酒如飲水

盤車圖

一本上題和聖俞
下注呈楊直講

淺山嶙嶙亂石轟轟山石礮聲車碌碌山勢盤斜隨
澗谷側轍傾轆如欲覆出乎兩崖之隘口忽見百里
之平陸坡長坂峻牛力疲天寒日暮人心速楊衰一作
生忍飢官太學得錢買此纔盈幅愛其樹老石硬山
田路轉高下曲直橫斜隱見妍媸嚮背各有態遠近

分毫皆可辨自言昔一作古有數家筆畫古一作久傳多

名姓失後來見者知謂誰乞詩梅老聊稱述古畫畫

意不盡形梅詩詠物無隱情忘形得意知者寡不若

見詩如見畫乃知揚生真好竒此畫此詩兼有之樂

能自足乃一作即為富豈必金玉名高貴朝看畫暮讀

詩揚生得此可不飢

答梅無一作梅字聖俞莫登樓在禮部貢院鎖試

莫登樓樂哉都人方競遊樓闌夜氣春煙浮玉輪東

乘從海陬纖靄洗盡當空留燈光月色爛不收火龍

嚼山祝千秋綠竿踏索雜幻優鼓喧管咽耳欲咻清

風嫋嫋夜悠悠瑩蹄文一作輪角車如流姪姹扶欄

車兩頭髮髦垂鬟嬌未羞念昔年少追朋儔輕衫駿

馬今則不中年病多昏兩眸夜視曾不如鴝鷓足雖

欲往意已休惟思睡眠擁衾裯人心利害兩不謀春

陽稍憇天子憂安得四野陰雲油甘澤以時豐麥麩

遊騎踏泥非我愁

答聖俞莫飲酒此已下皆

子謂莫飲酒我謂莫作詩花開木落蟲鳥悲四時百

物亂我思朝吟搖頭暮蹙眉雕肝琢腎聞退之此翁

此語還自違豈如飲酒無所知自古不飲無不死惟

有為善不可遲一作功施當世聖賢事不然文章千
載垂其餘酪酏一罇酒萬事崢嶸皆可齊腐腸糟肉
兩家說計較屑屑何其卑死生壽夭無足道百年長
短纔幾時但飲酒莫作詩子其聽我言非癡

思白兔雜言戲答公儀憶鶴之作

君家白鶴白雪毛我家白兔白玉毫誰將贈兩翁謂
此二物皎潔勝瓊瑤已憐野性易馴擾復愛仙格何
孤高玉兔四蹄不解舞不如雙鶴能清皞低垂兩翅
趨節拍一作拍節婆娑弄影誇矯饒兩翁念此二物者久
不見之心甚勞京師少年殊好尚意氣橫出爭雄豪

清罇美酒不輒飲千金爭買紅顏韶莫令少年聞我
語笑我乖僻遭譏嘲或被偷開兩家籠縱此二物令
逍遙兔奔滄海却入明月窟鶴飛玉山千仞直上青
松巢索然兩衰翁何以慰無慘織罽綠鬢既非老者
事玉山滄海一去何由招

戲答聖俞

鶴行而啄青玉觜枯松脚兔蹲而纍尖兩耳攢四蹄
往往於人家高堂淨屋一作室曾見之錦裝玉軸掛壁
垂乍見拭目猶驚疑羽毛慘褻眼睛活若動不動如
風吹主人矜誇百金買云此絕筆人間奇畫師畫生

不盡死所得百分三二爾豈如翫物翫其真凡物可
愛惟精神況此二物物之珍月光臨靜夜雪色凌清
晨二物於此時瑩無一點纖埃塵不惟可醒醉翁醉
能使詩老詩思添清新醉翁謂詩老子勿謂我愚老
弄兔兒憐鶴雛與子俱老其衰乎奈何反捨我欲向
去一作東家看舞姝須防舞姝見客笑白髮蒼顏君自
照

和梅龍圖公儀謝鵬

有詩鶴勿喜無詩鵬勿悲人禽固異性所趣各有宜
朝戲青竹林暮棲高樹枝咿啾山鹿鳴格磔野鳥啼

聲音不相通各以類自隨使鶴居籠中垂頭以一作似
聽詩鷄鷓享鍾鼓魚鳥見西施鵬鶴不宜爭所爭良
可知此蜂與蟻子為物固已微當彼兩交鬪勇如聞
鼓擊有心皆好勝未免爭是非於我一何薄於彼一
何私欄檻啄花卉叫號驚睡兒跳踉兩脚長落泊雙
翅垂何足充翫好於何定妍媸鵬口不能言夜夢以
告之主人起謝鵬從我今幾時僮奴謹守護出入煩
提攜道遙遂棲息飲啄安雄雌花底弄日影風前理
毛衣豈非主人恩報効爾宜思主人今白髮把酒無
翠眉養鶴鷓又妬我言堪解頤

和聖俞感李花

昨日摘花初見桃今日摘花還見李晴風暖日苦相
催春物所餘知有幾中年多病壯心衰對酒思歸未
得歸不及牆根花與草春來隨處自芳菲

折刑部海棠戲贈聖俞二首

搖搖牆頭花笑笑弄顏色荒涼衆草間露此紅的皜
草木本無情及時如自得青春不可恃白日忽已昊
繞之重吟哦歸坐成歎息人生浪自苦得酒且開釋
不見宛陵翁作詩頭早白
搖搖牆頭花豔豔爭青娥朝見開尚少暮看繁已多

不惜花開繁所惜時節過昨日枝上紅今日隨流波
物理固如此去古一作來知奈何達人但飲酒杜士徒
悲歌

刑部看竹劾孟郊體

花妍兒女姿零落一何速竹色君子德猗猗寒更綠
京師多名園車馬紛馳逐春風紅紫時見此蒼翠玉
凌亂迸青苔蕭疎拂華屋森森日影閑濯濯生意足
幸此接清賞寧辭薦芳醪黃昏人去一作黃昏寂寂去

鎖空廊枝上月明春

一作鳥宿

居士集卷第六

熙寧五年秋七月男發等編定

紹熙二年三月部人孫謙益校正

答聖俞則止

一作郎止

石屏歌

斲

一作

雄雌

一作雄雌

食卓螯

但喜

一作

知

莫飲酒

雕肝琢腎

一作

肝腎

思白兔

白鶴白雲毛

石本雙毛

嬌饒

一作妖饒

爭買

石本

作關

感李花摘花還見李

作花桃

居士集卷第七

歐陽文忠公集七

古詩二十二首

贈沈博士歌

醉翁吟

醉翁吟

作

沈夫子胡為醉翁吟醉翁豈能知爾琴滁山高絕滁

水深空巖悲風夜吹林山一作泉溜白玉懸青岑一瀉

萬仞源莫尋醉翁每來喜登臨醉倒石上遺其簪雲

荒石老歲月侵子有三尺微一作揮黃金寫我幽思窮

崎嶇自言愛此萬仞水謂是太古之遺音泉宗石亂

到不平指下嗚咽悲人心時時弄餘聲言語軟滑如

春禽嗟乎沈夫子爾琴誠工彈且止我昔被謫居滁

山名雖一作為翁實少年坐中醉客誰最賢杜彬琵琶

皮作絃自從彬死世莫傳玉練鎖東坡詩云新客

疑當聲入黃泉死生聚散日零落耳冷心衰翁索莫

國恩未報慙祿厚世事多虞嗟力薄顏摧鬢改真一

翁心以一作憂醉安知樂沈夫子謂我翁言何苦悲

人生百年間飲酒能幾時攬衣推琴起視夜仰見河

漢西南移

和聖俞李侯家鴨脚子

鴨脚生江南名實未相浮絳囊因入貢銀杏貴中州

致遠有餘力好奇自賢侯因令江上根結實夷門秋

始摘纔三四金奩獻凝旒公卿不及識天子百金酬

歲久子漸多纍纍枝上稠主人名好客贈我比珠投

博望昔所徙蒲萄安石榴想其初來時厥價與此侔

今也徧中國籬根及牆頭物性久雖在人情逐時流

惟當記其始後世知來由是亦史官法豈徒續君謳

京師無鴨脚樹駙馬都尉李和文自南方移植于其第

送吳生南歸一作送吳孝京字子京

自我得曾子於茲二十年今又得吳生既得喜且歎

古士不竝出百年猶比肩區區彼江南其產多材賢

吳生初自疑所擬豈其倫我始見曾子文章初亦然

崑崙傾黃河渺漫盈百川決疏以道一作導之漸歛收

橫瀾東溟知所歸識路到不難吳生始見我袖藏新

文篇一作編忽從布褐中百寶寫一作瀉我前明珠雜瓊

貝磊砢或不圓問生久懷此奈何初無聞吳生不自

隱欲吐羞俛顏少也不自重不為鄉人憐中雖知自

悔學問苦賤貧自謂久而信力行困彌堅今來決疑

惑幸冀蒙洗滌我笑謂吳生爾其聽我言世所謂君

子何異於衆人衆人為不善積微成滅身君子能自

知改過不逡巡惟於斯二者愚智遂以分顏回不貳

過後世稱其仁孔子過而更日月彼浮雲子路初來

時雞冠佩假豚斬蛟射白額後卒為名臣子既悔其
往人誰禦其新醜夫祀上帝孟子豈不云臨行贈此
言庶可以書紳

樂哉襄陽人送劉太尉從廣一作景元赴襄陽一作本

無下二字
景元蓋字

嗟爾樂哉襄陽人萬屋連甍清漢濱語言輕清微帶

秦南通交廣西峨岷羅穀織麗藥物珍枇杷甘橘薦

清罇磊落金盤爛璘璘槎頭縮項昔所聞黃橙一作

新橙檇一作檇齋香復辛春雷動地竹走根錦苞玉筍味爭新

鳳林花發南山春掩映谷口藏山門樓臺金碧瓦鱗

鱗峴首高亭倚浮雲漢水如天瀉
汙汙斜陽返照白鳥羣兩岸桑柘雜
耕耘文王遺化已寂寞千載誰復
思其仁荆州漢魏以來重古今相
望多名臣嗟爾樂我襄陽人道扶
白髮抱幼孫遠迎劉侯朱兩一作
輪劉侯年少氣甚淳詩書學問若
寒士罇俎談笑多嘉賓往時邢洛
一作有善政至今遺愛留其民誰能持
我詩以往為我先賀襄陽人

奉酬揚州劉舍人見寄之作

原父 一作酬 劉原父見寄

別君今幾時歲月如挿羽悠悠寢與食
忽忽朝復暮紛紛竟何為凜凜還自懼
朝廷無獻納倉廩徒耗蠹

風霜苦見侵衰病日增故江湖豈不思
懇悃布已屢羨我廣陵公風政傳道路
優游侍從臣左右天子顧君來一何遲
我請亦有素何當兩還分尚冀一相遇
把手或未能尺書幸時寓

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊
顏色一何好好色豈能常得時仍不早
文章損精神何用覩天巧四時悲代謝
萬物惜凋槁豈知寒鑑中兩鬢甚秋草
東城彼詩翁學問同少年一作小風塵
世事多日月良會少我有一罇酒念君
思共倒上浮黃金藥送以清

歌裊為君發朱顏可以却君老

於劉功曹家見楊直講衰女奴彈琵琶戲作

呈聖俞

大絃聲遲小絃促十歲嬌兒彈啄木啄木不啄新生
枝惟啄槎牙牙一作槎枯樹腹花繁蔽日鎖空園樹老參
天杳深谷不見啄木鳥但聞啄木聲春風和暖百鳥
語山路磽确行人行啄木飛從何處來花間葉底時
丁丁林空山靜啄愈響行人舉頭飛鳥驚嬌兒身小
指撥硬功曹廳冷絃索鳴繁聲急節傾四坐為爾飲
盡黃金觥楊君好雅心不俗太學官卑飯脫粟嬌兒

兩幅青布裙三脚木牀坐調曲奇書古畫不論價盛
以錦囊裝玉軸披圖掩卷有時倦卧聽琵琶仰看屋
客來呼兒旋梳洗滿額花鈿貼黃菊雖然可愛眉目
秀無奈長飢頭頸縮宛陵詩翁勿謂渠人生自足乃
為娛此兒此曲翁家無

長句送陸子履學士通判宿州

一本作亳州非

古人相馬不相皮瘦馬雖瘦骨法奇世無伯樂良可
嗤千金市馬惟市其一作肥騏驥伏櫪兩耳垂夜聞秋
風仰秣嘶一朝絡以黃金羈旦刷一作發吳越暮燕陸
丈夫可憐憔悴時世俗庸庸皆見遺子履自少聲名

馳落筆文章天下知開懷吐骨不自疑世路迫窄多
穿機鬢毛零落風霜摧十年江湖千首詩歸來京國
舊遊非大笑相逢索酒卮酒酣猶能弄蛾眉山川搖
落百草腓愛君不改青松枝念君明當整驂駢贈以
瑶華期早歸豈惟朋友相追隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京
國故里幾歸成鬢霜山行馬瘦春泥滑野飯天寒錫
粥香留連芳一作風物佳節過束帶還來朝未央

送宋次道學士赴

一作知太平州敏求

古堤老柳葳

一作柳排楊

春煙桃花水下清明前江南太

守見之笑擊鼓插旗催解船

一作打鼓插旗催發船

侍中令德

宜有後學士清才方少年文章秀粹得家法筆畫點

綴多餘

一作逾

妍藏書萬卷復強記故事累朝能口傳

來居侍從乃其職遠置州郡誰謂本多然交游一時

盡英

一作豪

俊車馬兩岸來聯翩船頭朝轉暮千里有

酒胡不為

一作不為留連

謝觀文王尚書惠西京牡丹

舉正

京師輕薄兒意氣多豪俠爭誇朱顏事年少肯慰白
髮將花插尚書好事與俗殊憐我霜毛苦蕭颯贈以

寄贈洛陽花滿盤鬪麗爭奇紅紫雜兩京相去五百
里幾日馳來足何捷紫檀金粉香未吐綠萼紅苞露
猶泥謂我嘗為洛陽客頗向此花曾涉獵憶昔進士
初登科始事相公沿吏牒河南官屬盡賢俊洛城池
苑一作藥相連接我時年纔二十餘每到花開如蛺蝶
姚黃魏紫帶鞞潑墨齊頭葳綠葉鶴翎添色又其
次此外雖妍猶婢妾爾來不覺三十年歲月纔如熟
羊胛無情草木不改色多難人生自摧拉見花了了
雖舊識感物依依幾投睫念昔逢花必沽酒起坐驩
呼屢傾榼而今得酒復何為愛花繞之空百匝心衰

力懶難勉疆與昔一何殊勇怯感公意厚不知報墨
筆淋漓口徒囁

送朱職方提舉運鹽

一本表臣

齊人謹

一作建

鹽筴伯者之事爾計口收其餘登耗以

生齒民充國亦富察若有條理惟

一作維

非三王法儒

者猶為恥後世益不然權奪由漢始權量自持操屑
屑已甚矣穴竈如蜂房熬波銷海水豈知戴白民食
淡有至死物艱利愈厚令出姦隨起良民陷盜賊峻
法難禁止問官得幾何月課煩笞箠公私兩皆然巧
拙可知已英英職方郎文行粹而美連年宿與泗有

政皆可紀忽來後辟書感激赴知己閱然哀遠人吐
策獻天子治國如治身四民猶四體奈何室其一無
異鈇厥趾工作而商行一作與商賈本末相表裏臣請通
其流為國掃泥澤金錢歸府藏滋味飽閭里利害難
先言歲月可較比鹽官皆謂然丞相曰可喜適時乃
為才高論徒譎詭夷吾荀子復一作出來以彼易此隋
堤樹慘慘汴水流瀟瀟子行其勉梅吾黨方傾耳

嘗新茶呈聖俞

建安三千里京師三月嘗新茶人情好先務取勝百
物貴早相矜誇年窮臘盡春欲動蟄雷未起驅龍一作

龍未起驅蟲

地夜聞擊鼓滿山谷千人助叫聲喊呀萬木

寒癡睡不醒

惟有此樹先萌芽乃知此為最靈物宜

一作疑

其獨得天地之英華終朝採摘不盈掬通犀鈿

小圓復窳鄙哉穀兩槍與旗多不足貴如刈麻建安

太守急寄我香朥包裹封題斜泉甘器潔天色好坐

中揀擇客亦嘉一作佳新香嫩色如始造不似來遠從

天涯停匙側盞試水路拭目向空看乳花可憐俗夫

把金錠

一作挺一作鈿茶錄多用挺字為古按集韻錠字去聲訓錠鈿字上聲訓銅鐵樸猛

火炙背如蝦蟇由來真物有真賞坐逢詩老頻咨嗟

須臾共起索酒飲何異奏雅終淫哇

次韻再作

茶歌 本云

吾年向老世味薄所好未衰惟飲茶建谿苦遠雖不
 到自少嘗見閩人誇每啣江浙凡茗草叢生狼藉惟
 藏地俗今江浙茶園豈如含膏入香作金餅蜿蜒兩龍
 戲以呀其餘品第亦奇絕愈小愈精皆露芽泛之白
 花如粉乳乍見紫面生光華手持心愛不欲碾有類
 弄印幾成窠論功可以療百疾輕身久服勝一作胡
 麻我謂斯言頗過矣其實最能祛睡邪茶官貢餘偶
 分寄地遠物新來意嘉親烹屢酌不知厭自謂此樂
 真一作誠無涯未言久食成手顫已覺疾飢一作病生眼

花客遭水厄疲捧椀口吻無異蝕月蟄僮奴傍視疑
 復笑嗜好乖僻誠堪嗟更蒙酬句恠可駭兒曹助噪
 聲哇哇

樂郊詩

為劉原甫作一本注

樂郊何所樂所樂從公遊三日公不出其民感然愁
 一聞車馬音從者如雲浮吾問鄆之人無乃失業不
 云惟安其業然後樂其休樂郊何所有胡不考公詩
 有山在其東有水出遠夷有臺以臨望有沼以游嬉
 俯仰迷上下朱欄映清池草木非一種青紅隨四時
 其餘雖瑣屑處置各有宜樂郊何以名吾為本其意

自古賢哲人所存非一世當時偶然迹來者因不廢
鄆非公久留公去民孰賴此亭公所登此樹公所憩
俾民百年思豈取一日醉

洗兒歌

為聖俞作一本云前日送酒遂助
洗兒輒成短歌更資一笑呈聖俞

月暈五色如虹蜺深山猛虎夜生兒虎兒可愛憐一作

光陸離開眼已有百步威詩翁雖老神骨秀想見嬌

嬰目與眉木星之精為紫氣照山生玉水生犀兒一作

此翁不比他兒翁三十年名天下知材高位下衆所

惜天與此兒聊慰之翁家洗兒衆人喜不莫一作惜金

錢散間一作鄰一作里宛陵他日見高門車馬煌煌梅氏子

鳴鳩

崇政殿後
考試所作

天將陰鳴鳩逐婦鳴中林鳩婦怒啼無好音天雨止

鳩呼婦歸鳴且喜婦不亟歸一作呼不已逐之其去

恨不早呼不肯來固其理吾老病骨知陰晴每愁天

陰聞此聲日長思睡不可得遭爾聒聒何時停衆鳥

笑鳴鳩爾拙固無匹不能娶巧婦以共營家室寄巢

生子四散飛一身有婦長相失夫婦之恩重太山背

恩棄義須臾間心非無情不得已物有至拙誠可憐

君不見人心百態巧且艱臨危利害兩相關朝為親

戚暮仇敵自古常嗟交道難

代鳩婦言

一本注聞士有欲弃妻者作

斑然錦翼花簇簇雄雌相隨樂不足抱雛出卵翅羽
成豈料一朝還反目人言嫁雞逐雞飛安知嫁鳩被
鳩逐古來有盛必有衰富貴莫忘貧賤時女棄父母
嫁一作婦曰歸中道捨君何所之天生萬物各有類誰
謂鳥獸為無知雖無仁義有情愛苟聞此言寧不悲

看花呈

一本有韓

子華內翰

崇政殿後考試

老雖可憎還可嗟病眼眇昏愁看花不知花開桃與
李但見紅白何交加春深雨露洗新濯日暖金碧相
輝華浮香著物收不得含意欲吐情無涯可愛疎簾

靜相對最宜落日初西斜時傾賜壺共斟酌及此蜂
鳥方諠譁凡花易見不足數禁禦難到堪歸誇老病
對此不知狀年少何用苦思家

啼鳥

崇政殿後考試舉人卷子作

提葫蘆提葫蘆不用沽美酒宮

一作官

壺日賜新撥醅

老病足以扶衰朽百舌子百舌子莫道泥滑滑宮花
正好愁雨來暖日方催花亂發苑樹千重綠暗春珍
禽綵羽自成羣花開祇慣迎黃屋鳥語初驚見外人
千聲百轉忽飛去一作來枝上自落紅紛紛畫簾陰陰
隔宮燭禁漏杳杳深千門可憐枕上五更聽不似滁

州山裏聞

和聖俞字一作人唐書局後叢莽中得芸香一

本之作用其韻

有芸黃其華在彼衆草中清香濯曉露秀色搖春風
幸依華堂陰一顧曾不蒙大雅彼君子偶來從學宮
文章高一世論議一作伏羣公多識由博學新篇匪
雕蟲唱酬爛衆作光輝發幽叢在物苟有用得時寧
久窮可嗟凡草木糞壤自青紅

答劉原父舍人見過後中夜酒定復追昨日

所覽雜記并簡梅聖俞之作

君子忽我顧

一作顧我

貧家復何有虛堂來清風佳果薦

濁酒簡編記遺逸論議相可否欲知所書人其骨多

已朽前者既已然後來寧得久所以昔人云杯行莫

停手

居士集卷第七

熙寧五年秋七月男發等編定

紹熙二年三月郡人孫謙益校正

朝佐謂樂郊詩有水出逶夷夷平也傷也與逶字
不類按說文逶迤斜去兒集韻委曲自得兒詩作
委蛇漢書作逶蛇恐合作逶迤而蜀本違本羅氏
本誤作逶夷

永嘉錢文子謂詩羔羊篇有委蛇字離騷載雲旗
之委蛇一本作逶迤一本作委移劉向九歎遵江
曲之逶移蓋變委作逶變蛇作迤移二字矣張衡
西京賦女娥坐而長歌聲清暢而螭蛇又以委為
螭孫綽天台山賦既克濟於九折路威夷而脩通
潘安仁金谷集詩迴谿縈曲阻峻阪路威夷又蓋

變作威夷字皆委曲貌今作逶夷乃參古今之變
必有所據其實則平夷也

右逶夷二字初不必辯著此以為輕改字
畫之戒

送吳生我前

一作前

顏回

二作顏子

雞冠

一作雞冠

祀上帝

祀上帝

楊直講女奴彈琵琶

行人舉頭飛鳥驚

一作飛鳥鳴

盛以錦囊

錦一作囊

送公期歸絳還來

歸一作來

謝王尚書牡丹事年少

事年少

復何為

復何為

力懶

力一作

嘗新茶三月

二月作此為

草木一作向空

向一作

次韻再作豈如

豈一作知

亦奇絕

亦一作各

偶分寄

偶一作忽

疑復

笑

後且一作

看花老病

老翁作年少

少年作

和聖俞芸香光輝

光一作耀

答原甫見過佳果

佳一作景

居士集卷第八

歐陽文忠公集八

古詩二十一首

有贈余以端谿綠石枕與蘄州竹簟皆佳物也余既喜睡而得此二者不勝其樂奉呈原父舍人聖俞直講

端谿作出缺月樣蘄州織成雙水

錦一作

紋呼兒置枕

展方簟赤日正午天無雲黃琉璃光綠玉潤瑩淨冷

滑無埃

纖一作

塵憶昨開封暫陳力屢乞殘骸避煩劇

聖君哀憐大臣閔察見衰病非虛飾猶蒙不使如

加罪去特許遷官還舊職選材臨事不堪用見利無

慙惟苟得一從儻舍

屋一作

居城南官不坐曹門

一作

少客自然唯與睡相宜以懶遭

一作

閑何愜適從來

羸亦苦疲困况此煩歎正炎赫少壯喘息人莫聽中

年鼻軒尤惡聲癡兒掩耳謂雷作竈婦驚窺疑釜鳴

蒼蠅蟻螿任緣撲蠹

詩一作

書懶架拋縱橫神昏氣濁

一如此言語思慮何由清嘗聞李白好飲酒欲與鎗

杓同生死

死一作生

我今好睡又過之身與二物為三爾

江西得請在旦暮收拾歸裝從此始終當卷簾攜枕

去築室買田清潁尾

夜聞風聲有感奉呈原父舍人聖俞直講

夜半羣動息有風生樹端颯然飄我衣起坐為長歎

苦暑君勿馱初涼君勿歡暑在物猶盛涼歸歲將寒

清霜忽以飛零落亦溥溥霜露

一作四時

本無情豈肯私

蕙蘭不獨草木爾君形安得完擗髮變新白鑑容銷

一作無

故丹風埃共侵迫心志亦摧殘萬古一飛隼兩

眸雙跳丸擾擾賢與愚流沙逐驚湍其來固如此獨

久知誠難服食為藥悞此言真不刊但當飲美酒何

必被輕統

答梅聖俞大雨見寄

夕雲若頽山夜雨如決渠俄然見青天燄燄升蟾蜍

儵忽陰氣生四面如吹噓狂雷走昏黑驚電照夔魑
搜尋起龍蟄下擊墓與墟雷聲每軒轟雨勢隨疾徐
初若浩莫止俄收閒無餘但掛千丈虹紫翠橫空虛
頃刻百變態晦明誰卷舒豈知下土人水潦沒襟裾
擾擾泥淖中無異鴨與豬嗟我來京師死身無弊廬
閑坊僦古屋卑陋雜里間鄰汪湧溝竇街流溢庭除
出門愁浩渺閉戶恐為豬牆壁豁四達幸家無貯儲
蝦蟇鳴竈下老婦但欷歔九門絕來薪朝爨欲毀車
壓溺委性命焉能顧圖書乃知生堯時未免憂為魚
梅子猶念我寄聲憂我居慰我以新篇琅琅比瓊琚

官閑行能薄補益愧空踈歲月行晚矣江湖盍歸歟
吾居傳郵爾此計豈躊躇

答聖俞白鸚鵡雜言

憶昨滁山之人贈我玉兔子粵明年春玉兔

子一有死

日陽晝出月夜明世言兔子望月生謂此瑩然而白

者譬夫水之為雪而為冰皆得一陰凝結之純精常

恨處非大荒窮北極寒之曠野養違其性夭厥齡豈

知火維地荒絕漲海連天沸天

一作火熱黃冠黑距

人語言有鳥玉衣尤皓潔乃知物生天地中萬殊難

以一理通海中洲

一作島窮人迹來市廣州纔八國

其間注輦來最稀

遠一作

此鳥何年隨海舫誰能徧歷

海上峰萬恠千竒安可極兔生明月月在天玉兔不

能久人間况爾來從炎瘴地豈識中州霜雪寒渴雖

有飲飢有啄羈維終知非爾樂天高海闊路

終一作茫

茫嗟爾身微羽毛弱爾能識路知所歸吾欲開籠絃

爾飛俾爾歸託宛陵詩此老詩名聞四夷

清明前一日韓子華以靖節斜川詩見招遊

李園既歸遂苦風雨三日不能出窮坐一室

家人輦倒殘壺得酒數杯泥深道踏無人行

去市又遠索於篋筥

篋一作筥

得枯魚乾鰕數種

彊飲疾醉昏然便寐既覺索然因書所見奉

呈聖俞

少年喜追隨老大厭誼諱慙愧二三子邀我行看花

花開豈不好時節亦云嘉因病既不飲衆歡獨成

一作

我嗟管絃暫過耳風雨愁還家三日不出門堆厖類

寒雅妻兒強我飲釘餽果與瓜濁酒傾殘壺枯魚雜

乾鰕小婢立我前赤脚兩髻了軋軋鳴雙絃正如艣

嘔啞坐令江湖心浩蕩思無涯寵祿不知報鬢毛今

已華有田清潁間尚可事桑麻安得一黃犢幅巾駕

柴車

奉答原甫見過寵示之作

不作流水聲行將二十年吾生少賤足憂患憶昔有
罪初南遷飛帆洞庭入白浪墮淚三峽聽流泉援琴
寫得入此曲聊以自慰窮山間中間永陽亦如此醉
卧幽谷聽潺湲自從還朝戀榮一作寵祿不覺鬢髮俱
凋殘耳衰聽重手漸顫自惜指法將誰傳偶欣日色
曝書畫試拂塵埃張斷絃嬌兒癡女逸翁膝爭欲彊
翁聊一彈紫微閣老適我過愛我指下聲泠然戲一作
語君此是伯牙曲自古常歎知音難君雖不能琴能
得琴其一作意斯為賢自非樂道甘寂寞誰肯顧我相

留連興闌東帶索馬去却鎖塵匣包青氈

會飲聖俞家有作兼呈原父景仁聖從

憶昨九日訪君時正見堦前兩叢菊愛之欲繞行百
匝庭下不能容我足折花却坐時嗅之已醉還家手
猶馥今朝我復到君家兩菊堦前猶對東枯莖槁葉
苦風霜無復滿叢金間綠京師誰家不種花碧砌朱
欄敞華屋奈何來對兩枯株共坐窮簷何局促詩翁
文字發天葩豈比青紅凡草木凡草開花數日間天
葩無根長在目遂令我每飲君家不覺長餅卧牆曲
坐中年少皆賢豪莫怪我今雙鬢禿須知朱顏不可

恃有酒當歡

一作且相屬

依韻奉酬聖俞二十五兄見贈之作

與君結交遊我最先衆人我少既多難君家常苦貧
今為兩衰翁髮白面亦皴念君懷中玉不及市上珉
珉賤易為價玉棄久埋塵惟能吐文章白虹射星辰
幸同居京城遠不隔重闈朝罷二三公隨我如魚鱗
君聞我來喜置酒留逡巡不待主人請自脫頭上巾
歡情雖漸鮮老意益相親窮達何足道古來茲理均
小飲坐中贈別祖擇之赴陝府無擇
明日君當千里行今朝始共一罇酒豈惟明日難重

持試思此會何嘗有京師九衢十二門車馬煌煌事
奔走花開誰得屢相過盞到莫辭頻舉手驩情落寞
酒量減置我不須論老朽奈何公等氣方豪雲夢正
當吞八九擇之名聲重當世少也多奇晚方偶西州
政事藹風謠右掖文章煥星斗待君歸日我何為手
把鋤犁汝陰叟

奉答聖俞達頭魚之作

吾聞海之大物類無窮極蟲魚鱉淺水間羸蜺如山積
毛魚與鹿角一作拾一一作拾數千百收藏各有時嗜好無
南北其微一作小既若斯其大一作其大固莫測波

濤浩渺中島嶼生頃刻俄而沒不見始悟一作始出背

脊有時隨潮來暴死疑遭謫海人相呼集刀鋸爭剖

一作斫析骨節駭專車鬚芒一作牙侔劔戟腥聞數十里

餘臭久乃息始知百川歸固有含容德潛奇與祕寶

萬狀一作物不一識嗟彼達頭微誰傳到一作偶傳入

京國乾枯少滋味治平聲洗費炮炙聊茲知異物豈足

薦佳客一旦辱一作得君詩虛名從此得京師人不識此魚滄州向

防禦見寄以分送刁紡推官一本無歸潤州

翹翹名家子自少能慷慨嘗從幕府辟躍馬臨窮塞

是時西邊兵屢戰輒一作無奔潰歸來買良田俛首

學秉耒家為白酒醇門掩青山對優游可以老世利

何足愛奈何從所知又欲向并代主人忽南遷此計

亦一作乃中悔彼在吾往一作乃從彼去吾亦退與人交

若此可以言節槩

夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知

君子篤自信衆人喜隨時其中苟有得外物竟何為

寄謝伯牙子何須鍾子期

鍾子忽已死伯牙其已乎絕絃謝世人知音從此無

瓠巴魚自躍此事見於書師曠嘗一鼓羣鶴舞空虛
吾恐二三說其言皆過歟不然古今人愚智邈已殊
奈何人有耳不及鳥與魚

二月雪

寧傷桃李花無損杞與菊杞菊吾所嗜惟恐食不足
花開少年事不入老夫目老夫無遠慮所急在口腹
風晴日暖雪初銷踏泥自採籬邊綠

歸田四時樂春夏二首

秋冬二首命
聖俞分作

春風二月三月時農夫在田居者稀新陽晴暖動膏
脉野水泛濫生光輝鳴鳩聒聒屋上啄布穀翩翩桑

下飛碧山遠映丹杏發青草暖眠黃犢肥田家此樂
知者誰吾獨知之胡不歸吾已買田清潁上更欲臨
流作釣磯

南風原頭吹百草草木叢深茅舍小麥穗初齊稚子
嬌桑葉正肥蠶食飽老翁但喜歲年熟餉婦安知時
節好野棠繁密啼晚鶯海石榴紅轉山鳥田家此樂
知者誰我獨知之歸不早乞身當及彊健時顧我蹉
跎已衰老

明妃曲和王介甫作

胡人以鞍馬為家射獵為俗泉甘草美無常處鳥驚

獸駭手馳逐誰將漢女嫁胡兒風沙無情貌如玉身
行不遇中國人馬上自作思歸曲推手為琵琶却手瑟
胡人共聽亦咨嗟玉顏流落死天涯琵琶此一作却傳
來漢家漢宮爭按新聲譜遺恨已深聲更苦織織女
手生洞房學得琵琶不下堂不識黃雲出塞路豈知
此聲能斷腸

盆池

西江之水何悠悠共經歷瀨口險且回餘波初怒猶一作
獨涵去澹奔濤擊浪常喧怒有時夜上滕王閣月照
淨練一作練無纖埃楊鬪左里在其北無風浪起傳古

來老蛟深處獸窟穴蛇身微行見者猜呼龍瀝酒未
及祝五色粲一作照爛高崔嵬忽然遠引千丈去百里
水面中分開收蹤滅跡莫知處但有雨雹隨風雷千
竒萬變聊一戲豈一作肯顧溺死為可哀輕人之命若
螻蟻不止山嶽將傾頽此外魚鰕何足道獸飲但覺
腥盤杯壯哉豈不快耳目胡為守此空牆隈陶盆斗
水仍下漏四岸久雨生莓苔遊魚撥撥不盈寸泥潛
日炙愁暴鰓魚誠不幸此跼促我能決去反徘徊

再和明妃曲

漢宮有佳一作美人天子初未識一朝隨漢使遠嫁單

于國絕色天下無一失難再得雖能殺盡工於事竟
何益耳目所及尚如此萬里安能制夷狄漢計誠已
拙女美一作色難自誇明妃去時淚灑向枝上花狂風
日暮起飄泊落誰家紅顏勝人多薄命莫怨春風當
自嗟

奉送原甫侍讀出守永興

一作奉送永興
安撫劉侍讀

酌君以荊州魚枕之蕉贈君以宣城鼠須之管酒如
長虹飲滄海筆若駿馬馳平坂愛君尚年一作少力方
豪嗟我久衰歡漸鮮文章驚世知一作名早意氣論
交相得晚魚枕蕉一舉十分當覆盃鼠須管為物雖

情不淺新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流灘聲八節響石
樓坐中辭氣凌清一作高秋一飲百盃不言休酒酣思
送語更通河南丞相稱賢侯後車日載枚與鄒我年
最少力方優明珠白壁相報投詩成希深擁鼻謳師
魯卷舌藏戈矛三十年間如轉眸屈指十九歸山丘
凋零所餘身百憂晚登玉墀侍珠旒詩老薨鹽太學
愁乖離會合謂無由此會天幸非人謀領鬢已白齒
根將孱年加我貌則不歡猶可彊閑屢偷不覺歲月

成淹留文章落筆動九州
金甌過午無饋餉良時易
失不早收篋積櫃一作瓦礫遺琳瑯
薦賢轉石古所尤
此事有職非吾羞命也
難知理莫求名聲赫赫掩諸
幽翩然素旆歸一舟
送子有淚流如溝

居士集卷第八

熙寧五年秋七月男發等編定

紹熙二年三月郡人孫謙益校正

石枕斲簟哀憐一作憐臨事一作事嘗聞一作昔時好飲一作飲

夜聞風聲以飛一作飛共侵迫一作共

清明前一日奉呈聖俞得酒一作濁酒一作得

贈別祖擇之煌煌一作皇落寞一作莫

達頭魚剖析一作析夜坐彈琴見於書一作書

二月雪寧傷一作損諸書一作載

歸田四時樂晚鶯一作曉鶯一作鶯

明妃曲無常處一作隨漢宮一作漢家一作家

盆池揚圃左里一作瀾左一作左蠡輕人之命一作何石一作石本一作本作一作作奈一作奈魚誠一作石

生作魚
幸此
石本作
遭
能決去反
石本作
猶可

魚
幸
遭
能
決
去
反
猶
可

